



~ 16
2693
21



潛研堂金石文跋尾續卷第一頁

嘉定錢大昕

漢

中嶽太室闕銘 元初五年四月

右中嶽太室闕銘顧氏金石文字記始著於錄然所見止十三行其釋文誤以崇作嵩祀作起近畢氏翁氏所釋較為詳審予諦視第十三行丞下似是江字夏下似是西陵字第十五行河東臨下似是汾字而第二行翁釋冢土岱氣四字未敢信其必狀也少室闕題名有將作掾嚴壽此有鄉三老嚴壽蓋即一人由鄉三老辟掾也

博陵太守孔彪碑并碑陰 建寧四年七月

右博陵太守孔彪碑并碑陰文字曼患以洪氏隸釋讀之厘得十之一二耳元上白博陵太守遷下邳相河東太守以病去位

昭和九年
十二月十一日
購末

建寧四年七月卒碑爲博陵故吏崔烈等所立故額題故博陵太守孔府君碑文亦但述博陵治迹而已下邳河東故吏當別有碑今失其傳矣博陵郡不見於郡國志按桓帝紀延熹元年六月丙戌分中山置博陵郡以奉孝崇皇園陵司馬彪志郡國以孝順爲斷則延熹分置之郡例不當書而劉昭注竟不一及難免漏畧之譏豈今所傳劉注亦有脫簡邪郡所領縣以碑陰證之則博陵也安平也安國也高陽也南溪澤也此五縣之中唯安國舊屬中山若安平南溪澤本屬安平國高陽本屬河間國則紀云分中山置者亦未核矣故吏題名十三人皆郡縣名字兼舉齊智題博陵博陵者上爲郡下爲縣諸史列傳中此類甚多洪氏隸釋本重出博陵俗刻本少兩字蓋校書者誤以爲重複而去之耳

熹平殘碑

右熹平殘碑乾隆癸丑十月黃郡丞小松訪得之曲阜東關外會學使阮詹事芸臺按試至縣因命移置孔廟并題識左方碑存字厘七十餘有云年廿有七熹平二年十一月乙未者蓋其卒之年月也又云府君君國濟民以禮闔風旌善表德當是曾任郡守者漢時唯郡國守相及都尉得稱府君也攷漢自陽嘉以後用左雄議孝廉年不滿四十不得察舉此君官至二千石計其入官踐歷當亦有年而卒之時僅廿有七豈陽嘉詔書所謂有如顏回子奇不拘年齒者邪

武都太守耿勳碑

熹平三年四月

右武都太守耿勳碑中有十數字經後人重開不無譌舛翁閣學金石記中辨之審矣唯苻莢乃胙一句洪氏隸釋闕乃字而

英字未誤翁謂洪誤釋爲英此刊本之譌予家藏鈔本猶未作英也英與筭同卽策字漢時郡守賜虎符及策書故有苻英之語翁釋爲筭恐未然耿君以熹平二年三月到官其歲歲在癸丑淫雨害稼而後漢書靈帝紀續漢書五行志俱不言郡國淫雨事知史之失載者多也

晉

任城太守夫人孫氏碑

右任城太守夫人孫氏碑在新泰縣新甫山下向來未有著錄者乾隆甲寅秋阮詹事芸臺搨以見詒文多剝落而點畫嚴整頗似范式碑筆意任城太守不見其姓名世系據文有夫人在羊氏語知其姓羊也又有庚寅十二月甲申字以干支求之當是泰始六年也又云昔臧武仲先犯齊壯不令予邑蓋用左氏

傳齊侯將與臧紇田事壯與莊古書徃徃通用其云長沙人桓伯序者桓階也魏志階字伯緒此碑作序古人名字多相應當以序爲正

太公呂望表 太康十年三月

右太公呂望表晉太康中汲令盧无忌所立石已斷裂每行僅存十一二字无忌名與題識年月皆不可得見矣予初意此碑不當在汲縣城疑卽東魏碑裝潢者析而爲二後見范氏天一閣有此碑始知其石尙存溪梅向來持論之失頃黃小松郡丞以搨本見詒讀之又知表後有韻語六行爲魏碑所未錄磻谿之磻作般亦勝於魏碑碑陰題名曼患已甚尙有功曹主簿等字可辨字畫頗古雅不似東魏之率易然以魏碑校其文存者雖無甚異同而以所闕字數驗之頗有多寡不合且旣錄其文

何又去其韻語或好事者假託爲之未可知也劉青藜亦以此碑爲後人重刻

征東將軍軍司劉韜墓版文

右征東將軍軍司劉韜墓版文乾隆癸卯偃師武進士億於本縣杏園莊得之相傳二十年前邨民掘井所得也其文云晉故使持節都督青徐諸軍事征東將軍軍司關中侯劉府君之墓君諱韜字泰伯叔孝處士君之元子也夫人沛國蔡氏凡四十七字詞甚簡而不題年月其石廣僅二尺餘上銳下平如圭形與漢碑式異予題爲墓版文未知其狀否也軍司之名不見於晉志而紀傳屢見之文帝紀帝奉天子西征是時魏諸王侯悉在鄴命從事中郎山濤行軍司事鎮於鄴衛瓘傳以本官持節監鍾會鄧艾軍事行鎮西軍司給兵百人李熹傳司馬佃爲寧

北將軍鎮鄴以熹爲軍司羊祜傳爲都督荊州諸軍事嘗欲夜出軍司徐裔執棨當營門曰將軍都督萬里安可輕脫劉寔傳杜預之伐吳也寔以本官行鎮南軍司王濬傳臣復與軍司張收等共入觀昭宮王戎傳趙王倫子欲取戎爲軍司王衍傳東海王越之討荀晞也衍以太尉爲太傅軍司義陽王望傳置太尉軍司一人南陽王模傳遣軍司謝班伐賈疋譙王承傳王敦詐稱北伐請承以爲軍司傅祗傳齊萬年舉兵反以祗爲行安西軍司汝南王亮傳與軍司曹剛上言節度之咎由亮而出東海王越傳以尙書曹馥爲軍司謝元傳時遣軍司鎮慰荒雜劉允傳爲平南軍司蔡謨傳太尉郗鑒疾篤出謨爲太尉軍司金石錄晉光祿勳向凱碑嘗爲北中郎軍司是軍司固軍中要職山濤衛瓘李熹之爲軍司皆在魏朝則魏已有此官竊意軍司

卽軍師晉時避諱改師爲司史臣并魏之軍師亦追改之非魏時本稱也

秦

修鄧太尉祠碑

建元三年六月

右修鄧太尉祠碑首題大秦苻氏建元三年歲在丁卯攷建元之號漢武帝晉康帝劉聰皆嘗稱之此加苻氏於建元之上意欲別於前代而失紀事之體蓋武臣不學者所爲也碑爲馮翊護軍鄭能進修祠而作先云以甘露四年到官又云在職六載末云以其年六月左降爲尚書庫部郎自甘露四年壬戌至建元三年丁卯恰是六載吾友吳山夫換金石存列此碑於曹魏之世蓋未見全文但以甘露紀年意之不知其爲苻秦之甘露非魏甘露也碑書膚施爲夫施北屈爲北掘皆以音同假借而

題名軍主簿數人字皆从草則以去漢未遠閃存古法也鄧太尉卽魏之鄧艾水經注濮陽城南有魏使持節征西將軍太尉方城侯鄧艾廟尙有艾碑秦建元十二年廣武將軍兗州刺史關內侯安定彭超立此別是一碑亦見艾之威德及人久而不忘也艾從艾聲今人讀艾爲兩音實則一聲之轉古人無甚區別如冕錯之錯不妨去入兩讀矣魏志艾始封方城亭侯進封方城鄉侯又進封鄧侯而水經注但稱方城侯豈以封号與姓相涉舉舊封以示別歟抑史有誤文歟

後魏

張相造天尊像記

延昌二年三月

右張相造天尊像記首云道士張相供次云延昌二年歲在癸巳三月乙卯朔廿九日癸未攷通鑑目錄是年卽梁天監十二

年梁魏置閏不同而正月均爲丙戌朔梁置閏於三月後則二月丙辰朔三月乙酉朔而乙卯爲閏三月朔魏置閏於二月後則二月丙辰朔閏二月乙酉朔三月正得乙卯朔溫公目錄本於劉義慶長祿自延昌距今千有三百年石刻月日與義慶所推不失絜黍足徵劉氏算術之精矣道家祖老莊老聃未嘗棄妻子莊周亦有妻漢武尊方士樂大以公主妻之晉葛洪許邁皆全家學道此相亦道士而有妻有息男有息女是道家雖非正教猶不如釋氏之棄絕人倫也自釋教盛而道教微於是羽流亦以出家爲真修舍華夏之舊規效瞿曇之陋俗而道亦非古之道矣

懷令李超墓誌

右懷令李超墓誌文云正光五年八月十八日卒於洛陽縣之

承年里宅越六年正月丙午朔十六日辛酉葬洛陽縣覆舟山之東南其云越六年者卽謂正光之六年是年六月改元孝昌當刻石之時猶未改号也證之溫公通鑑目錄其年正月果是丙午朔又唐以前碑誌每云粵以某年月日葬其年号未改者卽承前數之非卒後又隔若干年與此誌同例吾友武虛谷跋是碑謂自正光後又越六年當是武泰二年蓋用尚書越三日越七日之例攷武泰無二年當爲永安虛谷記憶偶誤而永安二年正月乃是癸丑朔非丙午朔故知誌云越六年者承前五年數之耳

中岳嵩陽寺碑

太平二年四月

右中岳嵩陽寺碑碑立於天平二年而文云仰資皇帝聖歷無窮國境寧泰太后德被蒼海永保仁齡攷孝靜帝以清河王世

子嗣大統而清河王未有尊号胡妃亦無太后之稱前朝諸后或已歿或別嫁不識此所稱太后何人也其云司空公裴衍昔在齊都欽承師德願歸中國爲寺檀主則魏書北史未見其人裴叔業雖自齊歸魏然官未至司空亦不聞别名衍也碑書馴獸爲巡獸汪洋爲汪庠此古字之通用者若東作東樂作樂則違六書之旨矣天平東魏年号潘氏金石文字補遺題爲北齊者誤潘所錄本以補顧氏之闕此碑顧氏已載而復收之亦失於檢點也

造須弥塔記

天平三年正月

右造須弥塔記常熟張子恂遊中州所得其書陛下之陛作陸爲它碑所未有最後題名有郭瓘未知何字殆卽阿个兩字并書之

汝陽王造弥勒像記

天平四年

右汝陽王造弥勒像記在歷城縣龍洞李南澗訪得之拓以遺予文多殘泐首云大魏天平四年又云朔廿口日使持節又云侍驟卽驟字騎大將軍開府儀又云尙書事涇涼華又云九州刺史汝陽王口封似是照字又云敬造弥勒像一軀所謂汝陽王者未審何人也

邑主造石像碑

武定六年九月

右邑主造石像碑亦張子恂所贈前爲儷語後皆四言有韻之文云乃作訟日以訟爲頌也歲卽夷字霽卽靈字宄卽究字裁卽哉字佛卽佛字德卽德字冥卽冥字筭卽筭字撫卽極字裳卽裔字條卽滌字禿卽施字妻卽妻字悛卽悛字勉卽免字繼卽轡字逸卽逸字徒卽徒字鞭卽鞭字尙卽岡字

造太上老君石像記 大統十四年四月

右造太上老君石像記其上橫書劉曜光初五年冠軍將軍關內侯平陽太守豫州刺史太尉公口洪像碑一區凡三十字似是題額者它碑未有此式也文多曼滅細審之有云故使持節鎮北大將軍冀州刺史陳留侯蔡伯皆孫等似是蔡氏後裔爲其祖洪造像以資冥福而作其叙述先世有秦大將軍大丞相蔡翟故太常卿汝南太守陳留侯蔡順晉征東將軍六州諸軍事陳留太守兗州刺史司徒公蔡謨字仲口諸人以史證之皆不合史記秦相有蔡澤翟與澤音相近或可通用然秦時丞相無大名也漢孝子蔡順史稱舉孝廉不就不聞官太常封侯也惟司徒公蔡謨與晉史頗合而其字道明非仲口蓋碑出於里巷不學者之手附會華胄多非其實其書劉聰之聰爲惹麟嘉之麟爲麟則可以廣晉載記之異聞者也

北齊

董洪達造像記 武平元年正月

右董洪達造像記首題大齊武平元年歲次庚寅正月乙酉朔廿六日顧寧人題爲少林寺碑者卽此刻也中州金石記以爲武平九年者誤武平紀元止於七年不當有九年且亦非庚寅歲也此碑別體字甚多如齋作齋老作尅率作率徒作徒次作次彼作彼後作後標作榭體作躰渠作湑布作布眇作眇微作微天作无火作火吉作吉顯作顯曇作曇業作業遐邇作遐爾藍田作濫田之類又間有篆體如日爲日月爲月頗合於古其餘不盡尔也碑後列褒主邑主諸人名黃頭者二曰張黃頭曰馬黃頭

大般若經殘字及佛名 武平元年

右大般若經殘字及佛名金石家皆未著錄吾友聶劒光游徂來山始訪得之手拓寄予都下且詒以書云光化禪寺東南里許有巨石南面刻大般若經隸書徑五寸剝蝕不能讀後題冠軍將軍梁父縣令王子椿字蓋卽子椿書也其東面大書四佛名未有中正胡賓及武平元年字魏齊皆承晉制州郡有中正題品人物而縣令帶將軍号六朝徃徃有之

般若波羅蜜經 武平元年

右般若波羅蜜經字徑一尺或七八寸不等蓋因石爲之亦王子椿書也首云文殊師利白佛言世尊何故名般若波羅蜜佛言般若波羅蜜無口無口無名無相以下多闕文亦聶劒光所贈劒光又言泰山有石經峪平廣畝許刻金剛經於上字大如

斗不記姓名年代明王世懋疑爲宋元人筆而無所指實今驗其字迹古勁與徂來二刻如出一手當亦出子椿筆宋元人不能如此淳朴也予昔登岱親見彼刻而未及榻因附識之

皇太后造觀世音石像記 武平二年十一月

右皇太后造觀世音石像記黃小松郡丞所寄云得於臨漳縣三臺佛寺其文有云皇太后以武平二年十一月十三日敬造觀世音石像一區以茲勝善仰資武成皇帝昇七寶之宮殿皇帝處萬國之威雄傍兼有心之類一時俱登聖道蓋胡太后所作功德也魏齊造像題刻流傳於今甚多大率邑子維那所爲此像出於宮闈文字完好尤極難得而金石家鮮有著錄者

周

王瓮生造像記 保定四年

右王貧生造像記陽湖孫淵如游關中得古佛像旁有保定四年字知爲宇文周時物攜歸置江寧孫忠愍侯祠貧字不見字書瞿鏡濤謂卽貧字與盆同見廣韻六朝石刻从瓦之字或作凡也其稱祖母張香香母陶甌香母樂女香殆當時婦人以香爲美稱猶元時稱女子爲秀矣

造像記 天和二年

右造像記同邑王定山濤游涇陽得周隋造象石刻數種遺予皆畢尙書關中金石記未采入者此其一也前後皆列邑子姓名又有都維那口長典錄典坐香火之目文云造口像一副卽區字其文右轉它碑所罕見也

造石像記 天和四年八月

右造石像記亦王定山游涇陽所得畢氏關中金石記未及采

入文云天和四年歲次己丑八月戊午朔一日戊午兩戊字俱少一撇顏魯公千福寺碑戊戌字亦如此書家省筆非有所回避也次譌作次則齊隋及唐初石刻多同自張參唐元度等正定五經文字以後乃無此失耳文又云仰爲皇帝陛下延祚无窮復願大家宰保國安民口延万世所云大家宰者晉國公護也鄭康成注周禮以胥爲有才智之稱漢人又加言旁虞仲翔解易稱荀爽爲荀謂廣韻謂有才智稱是謂卽胥也漢隸从胥旁者多變从肯此刻有邑謂數人或又作謂皆謂之變體釋氏書以男子未出家者爲優婆塞女子未出家者爲優婆夷此刻云憂婆夷者卽優婆夷也說文憂愁字作𡗗優裕字作𡗗俳優字乃从人旁此書優作憂與說文合彫刻之刻作克則以同音通用也

造像記 保定四年九月

右造像記瞿生中溶於吳市買得凡三紙文云維大周保定四年歲次甲申九月丁巳朔八日甲子所列像主邑子復姓昨和者十有七人屈男者十人罔井者六人荔非三人同瑤二人弼姐鉗耳薄地各一人罔卽罕字或作罔以廣韻攷之昨和屈男罕井荔非同蹄弼姐皆羌姓廣韻蹄从足旁而此刻與唐安天王碑陰並从王旁譯語無定字也雷賞二族尤多廣韻賞姓不言所自而引姚弋仲將賞耐虎為證弋仲羌之大族則賞亦羌姓無疑它書或作党則賞之省耳

隋

楊遵義造像記 開皇三年十二月

右楊遵義造像記在涇陽縣遵義父道憐母形雙華憐卽憐字

形姓不見於姓氏書當卽邢氏以偏旁相同假借也唐有薛純隋此遵義之息亦名純施施與隋同純施蓋梵語

高平縣石裏村造碣碑 開皇六年二月

右高平縣石裏村造碣碑嘉慶丙辰春錢唐黃小松郡丞搨以見詒云新出鄒縣石裏村前題云大隋開皇六年歲次丙午二月壬午八日己丑兖州高平縣石裏村仲思那等卅人造碣之碑碑中別體字甚多如季作季兖作充裏作裏那作那橋作碣碑作碑浮作浮儵作儵領作領克作剗苦作苦寧作寧邑作邑競作竟漂作灑淚作淚樓作樓稽作替婉作婉斷作逝德作德欄作欄陽朱卽楊朱首尾卽首尾之類皆其異者隋書地理志但云任城縣舊置高平郡開皇初廢而鄒縣之嘗為高平縣史無其文蓋南北朝郡縣遷改無常史官採訪不能備悉唯石刻

出於當時最可徵信爾

章仇氏造象碑

開皇九年

右章仇氏造象碑黃小松司馬所贈云在汶上縣辛家海三聖堂上截已斷碑陰有開皇九年字知為隋刻也中央刻佛經語兩旁有象主菩提主菩薩主等姓名多章仇氏隋書盧太翼傳云本姓章仇氏煬帝曰卿四岳之胄與盧同源賜姓盧氏太翼河間人而此刻在汶上則章仇氏所在有之濟寧有唐贈東平大守章仇元素碑述其上世云裂縞去國筮仕于周世官保章因官為姓秦項之際雍王章邯為漢所併子孫降處仇山取因生之舊名增卜居之新号是章仇之先為章氏章又出自紀國春秋紀姜姓而盧為齊太公之裔亦姜姓故有與盧同源之語矣碑左旁有章仇昨娘名予婿瞿生中溶謂昨即五字敬史君

碑尤圓鸞施田作拾畝借作拾為五十昨作同音亦可借用也

造阿弥陀像記

開皇十六年三月

右造阿弥陀像記亦在涇陽縣像即像字又云口皇

上牛十六

年歲口口口三口口寅朔八日辛酉攷通鑑目錄開皇十六年

丙辰正甲寅四癸未則三月當是甲寅朔與石刻合石刻所闕

歲名當為丙辰矣其云至如水胞俄尔消滅胞與泡同

安喜公李使君碑

開皇十七年二月

右安喜公李使君碑前後磨滅文字多不相屬趙氏石墨鐫華已云名字無可攷今去趙氏又百數十年宜其摧剝益甚矣中間叙述歷官先云太祖武元皇帝口口在田府望口重乃以為外兵參軍事武元皇帝者隋文帝之父忠也李君由楊忠幕僚累立戰功位至斥章縣開國子其後晉國公宇文護執政又見

信任此以文義推尋得之者也此下文字稍可讀其略云轉大都督進封口州安喜縣開國侯邑一千二百戶又除天官府都正士天和四年除使持節車騎大將軍儀同三司大象二年口司武大夫進位口儀同大將軍皇隋口運口口茅社進爵爲公開皇二年口口開府車騎將軍六年除使持節邛州諸軍事邛州刺史十一年以疾還京十六年八月口於京第春秋六十有五而前幅又有季父琰之字攷琰之卒於永熙之世其子皆隨孝武入關此君爲琰之從子亦當相從入仕於周與碑所稱大略相應李延壽修史旣列琰之於叙傳而安喜公之名獨不及焉未免失之漏略矣此刻點畫纖細易於摩滅中有數字似經後人鑿改漸失其真今略舉其可信者以資攷史之助

舍利寶塔下銘

仁壽二年四月

右舍利寶塔下銘其略云皇帝歸依正活卽法字紹隆三寶思與率土共崇善業敬以舍利布諸州精誠懇切大聖乘卽垂祜爰在宮殿興居之所舍利應現前後非一頂戴歡喜敬仰深溪以仁壽二年歲次壬戌四月戊申朔八日乙卯謹於鄧州大興國寺奉安舍利崇建神塔以此功德願四方上下虛空活界一切含識幽顯生靈俱免蓋纏咸登妙果攷隋文帝仁壽元年分布舍利於三十州各建塔藏之以十月十五日入函予所藏青州勝福寺銘蓋其一也其二年正月復出舍利分布五十一州建立靈塔以四月八日入石函鄧州有表言舍利四月六日石函變作玉及瑪瑙其石有文現正國德三字并有仙人麟鳳等出此見於王劭舍利感應記者也杭州之神尼塔當亦仁壽二年所立而其銘不傳矣

此良效王始舍麻風懸晴皆出麻風之輒凡皆當亦壽二筆
 變卦正又無礙其存文與五國壽三字存而人無風善出
 立靈塔以四日八日入石函塔表著舍麻四日六日石函
 細細皆益其出其二筆五日其出舍麻亦五十一日其
 舍麻效三十日谷戲塔之十且十正自入函字初麻皆出
 合壽幽懸主靈財象蓋懸如登效果割文帝壽元平冬亦
 寺奉安舍麻崇獻輒塔以此也壽四丈上下靈室皆界一
 壽二筆效王九四且九申應八日心麻效登麻大典
 舍宮顯典且之祖舍麻懸與前對非一頁懸壽對塔
 率土共崇善業塔以舍麻亦壽懸對大聖悉
 舍舍麻寶塔可說其細矣皇帝體對五部

潛研堂金石文跋尾續卷第二

嘉定錢大昕

唐

曲阜憲公孔穎達碑 貞觀

右曲阜憲公孔穎達碑新舊書本傳並云字仲達宰相世系表
 則云字冲遠碑雖曼患而冲遠字特分明表所書三代名諱官
 階盡與碑合汲古閣本脫穎達一格監本初不誤也穎達長子
 名志元碑與表同而傳但作志蓋宋人避諱去下一字然傳諱
 而表不諱它傳於元字亦多不避當時史官非一手無素定之
 例故也

金紫光祿大夫張嗣碑

右金紫光祿大夫張嗣碑嗣以儒學顯隋唐間太宗微時嘗從
 受左氏傳其卒也陪葬昭陵贈官予諡可謂極儒臣之殊遇矣

新舊史俱稱張後嗣碑惟云張嗣殆字後嗣而以字行乎碑云
行鄧王府文學而史不書蓋史家之漏舊史云贈禮部侍郎新
史作禮部尚書碑額亦云故禮部尚書與新史合

洛州思順坊老幼造弥勒像龕記 貞觀二十二年四月

右洛州思順坊老幼造弥勒像龕記字畫秀整有虞歐法度而
不署姓名唯彼徒兩字俱從人旁為異爾題名稱清信女者數
人皆姓而不名蓋女而未嫁者

洛陽鄉望父老等造像記 永徽元年

右洛陽鄉望父老等造像記後題淳于敬一制文制即製字王
居士塔銘稱上官靈芝製文與此同文云思念大聖無猶得觀
借猶為由也云謹於此堪敬造尊儀說文堪地突也金石錄載
後魏天柱山東堪石室銘正用此義讀此刻知唐人猶識古訓

今佛堪字多借用龕字而堪之本義遂晦矣演即演字斲即斲
字檀即檀字靈即靈字碑前列諸人姓名有云張荀子賈奴奴
者蓋邨野小名尚沿南北朝之舊

李万通造弥勒像記 儀鳳三年六月

右李万通造弥勒像記虞山張子恂游中州歸得以貽予其文
云大唐儀鳳三年歲在成寅六月乙卯朔十七日辛未弟子李
万通及妻徐合家等敬造弥勒像一軀上為天皇天君又為亾
父見存母賈及七祖先靈存亾眷屬法界蒼生俱登正覺其書
戊作成后作看蓋它碑所未有

孝敬皇帝叡德紀 上元二年八月

右孝敬皇帝叡德紀高宗御製并書書法與晉祠銘相似孝敬
皇帝者高宗之第五子皇太子宏也上元二年從幸合璧宮尋

薨新唐書以爲武后醜之是年追加諡號葬於緱氏縣景山之
恭陵宋熙寧八年省緱氏縣入偃師今爲偃師縣地矣孝敬字
宣慈新舊史皆失載

敬善寺石像銘

右敬善寺石像銘宣德郎守記室參軍事李孝倫撰石像爲紀
國太妃韋氏所造則孝倫殆紀王府之記室參軍矣此刻不署
年月而書法頗似虞永興當是高宗朝所刻

邛州刺史狄知遜碑

右邛州刺史狄知遜碑其家世歷官可辨識者曰曾祖叔湛魏
平西將軍口邑子曰父孝緒唐行軍總管大將軍金紫光祿大
夫尚書左丞使持節汴州諸軍事曰公卽臨穎公之第五子也
曰起家國子明經擢第補東宮內直曰鄭州司兵參軍兼鄭王

府兵曹參軍曰梁州都督府錄事參軍俄除越州剡縣曰華州
鄭縣令曰夔州都督府長史曰贈使持節邛州諸軍事邛州刺
史曰嫡子故中書令尚書右僕射贈司空梁國文惠公蓋仁傑
之父也碑下截剝落不見建立年月趙氏金石錄以爲載初元
年正月未審然否趙錄題稱周邛州刺史狄知遜碑今案此碑
額及題皆冠以大唐字不當作周或校書者妄以意改爾

馮善廓浮圖銘

萬歲通天二年四月

右馮善廓浮圖銘文稱大周萬歲通而二季歲次景申肆子景
演朔拾肆己卯景演者丙寅也月日用大壹貳字它碑所罕
有碑書夫人沈氏卽沈字今俗浮沈字多作沉欲與沈姓之沈
示區別蓋失之矣文云陰魄陽魂如風似燭按古詩百年未幾
時儼若風吹燭陸倕思田賦感風燭與石火嗟民生其若寄庾

信傷心賦一朝風燭萬古埃塵唐汝南周君墓志亦云風前失
燭知此語相傳久矣

河東州刺史王仁求碑

聖歷元年正月

右河東州刺史王仁求碑同年王述庵侍郎任雲南方伯時所
贈向來收藏金石家皆未著錄其額云大周故河東州刺史之
碑而題稱唐朝故使持節河東州諸軍事河東州刺史上護軍
王府君碑銘者仁求卒於高宗朝其長子善寶襲職至武后聖
歷元年始爲樹碑相距已二十五年仁求固唐臣非周臣也攷
河東州本唐羈縻州隸黎州都督府史但言開元前置據此碑
知高宗朝已有是州矣仁求卒於咸亨五年八月十五日是月
改元上元未改号以前仍稱咸亨碑刻紀年之例如此明史稿
昆陽州唐置河東等州沒於南詔元置昆陽州其所領三泊縣

北有河東故城今三泊縣亦省入州矣善寶出於蠻夷而書法
淳古可愛當是華人游其幕者代爲之耳

鬱林觀東巖壁記

開元七年正月

右鬱林觀東巖壁記海州司馬崔惟忬與東海縣令元暉丞閻
朝賓主簿孫克友尉苟抱簡上官崇素司兵寶晏游賞斯巖而
惟忬子逸爲文紀之八分書鑿諸巖間甚雄偉不著書者姓名
疑卽出逸手也碑惟見於趙錄近代金石家皆未寓目山陽吳
山夫爲予言碑見在海州後廿年嘉善孫山尊令贛榆爲予搨
致之其文云晚齡心事盡於巖閒齡卽齡字之省

銀青光祿大夫口憲墓誌

開元十四年十一月

右銀青光祿大夫口憲墓誌石已損裂一角不得其姓首云公
諱憲字令將平陽臨汾人其叙先世有云漢大將軍棘蒲侯武

故偃師金石遺文記題爲陳憲按棘蒲剛侯陳武見於漢書功臣侯表而文帝紀以棘蒲侯柴武爲大將軍與表不同臣瓚以爲有二姓則武實以柴姓顯廣韻陳氏出潁川汝南下邳廣陵東海河南六望不聞有出不陽者此君宜是柴姓矣古書宅與擇通此碑宅乎中庸正用禮記擇乎中庸也撰書姓名俱損失不傳而分隸秀勁有梁昇卿史惟則法度

麓山寺碑

開元十八年九月

右麓山寺碑在長沙府城外嶽麓山乃李北海書之極有名者文云元徽中尚書令湘州刺史王公僧虔右軍之孫也以晉宋齊史攷之僧虔爲丞相導之元孫於羲之爲族曾孫不當云孫也又云梁天監二年刺史夏侯公諱祥按梁書南史俱作詳古書詳詳二文恒通用

眞容靈應頌

天寶元年七月

右眞容靈應頌碑末題開府儀同三司尚書右僕射曾孫戴伋書攷唐戴胄與至德兩世宰相至德官至尚書右僕射其卒也贈開府儀同三司則伋必至德之曾孫而唐書世系表不見其名蓋史家失於採訪矣選舉志三品以上蔭曾孫五品以上蔭孫孫降子一等曾孫降孫一等贈官降正官一等僕射秩從二品開府儀同三司秩從一品伋蓋承蔭而未得官者故以曾孫繫銜猶梁府君碑稱四品孫五品孫也文云禎祥荐臻妖瀾不作瀾卽沴字隸楷偏旁从沴者或變从余遂與尔相涉又變尔爲爾也說文瀾滿也从水爾聲沴水不利也从水余聲爾字聲義俱別似無可通之理字書亦無讀瀾爲沴者然漢書五行志惟金沴本說曰沴猶臨莅不和意也如淳注讀沴爲拂戾之戾

卽說文亦有水不利之訓以義求音許如當無異讀則與瀾音仍不相遠或古篆泝戾字本从尔得聲尔爾元可通用未可遽以此碑瀾字爲流俗妄作也

明皇御書勅

右明皇御書勅一道刻於裴光庭碑之陰其文云贈太師光庭嘗爲重任能徇忠節忽隨化往空存遺事其子屢陳誠到請朕作碑機務之繁是則未暇朝廷詞伯故以口卿彼之行能卿之述作宛其鴻裁因茲不朽耳凡十一行行書甚壯偉而不署年月顧氏金石文字記題爲賜張說勅說卒於開元十八年光庭之卒乃在其後則奉勅撰碑者蓋別一人非張說矣或云當是張九齡今姑闕之

張惟一祈雨記

乾元二年二月

右張惟一祈雨記刻於述聖頌之左側据宰相世系表惟一望出清河東武城宰相錫之孫官至華州刺史此記正在刺華時與唐表合新舊史皆不爲惟一立傳王定保摭言載蕭茂挺父爲莒丞得罪清河張惟一時佐廉使按成之茂挺初登科自洛還莒道邀車疹辭哀乞惟一涕下卽日舍之且曰蕭贊府生一賢方資天下風教吾由是得罪無憾也宋子京嘗采其事入穎士傳蓋其好賢之誠有足多者又嘗爲荊州長史見呂誣傳

石門山唐人詩

右石門山唐人詩其一題云游石門山勅採訪大使潤州刺史徐嶠作一題云題石門山曝布八韻敬贈吳郡守兼江東採訪使張愿作皆刻于青田縣石門洞石壁乃數百年後爲宋人大書題名於上鑿損殆盡徐詩首二行尙可辨張竟無一字存者

可歎也瀑布之瀑今人多从水旁此刻獨日旁攷說文瀑疾雨也一日沫也一日瀑實也詩曰終風且暴是瀑有三義山泉自上出曰瀑布不見於尔雅或取其疾如暴雨其白如布則从水或取其下垂如瀑布之懸則从日於義得兩通也

巨據題名

右巨據題名凡六行其文云陳鄭澤潞等州節度行軍司馬殿中侍御史巨據再隨使主赴上都朝謁往來皆虔拜神祠時寶應二年六月八日記按寶應無二年据代宗紀廣德元年七月壬子大赦改元則六月以前猶稱寶應二年矣其云使主者節度使李抱玉也抱玉本陳鄭穎亳節度使代宗卽位兼澤潞節度使方鎮表寶應元年澤潞節度增領鄭州又增領陳邢洺趙四州正抱玉爲帥之日德宗以後陳鄭與澤潞各自爲鎮不復

相統攝矣藝文志有巨據相國涼公錄一卷紀李抱玉事此使主爲抱玉之證或以郭子儀當之非是

麻姑仙壇記

大歷六年四月

右麻姑仙壇記小字本黃魯直謂是慶歷間學佛者所書趙德甫亦疑其僞宋人書多放縱不守唐法尤不喜作小楷故有意抑之未可爲定論也碑題撫州南城縣攷南城漢舊縣本屬豫章郡晉宋以後改隸臨川郡唐改臨川爲撫州縣仍隸焉宋始於南城置建昌軍自是乃別於撫州耳

黃石公祠記

大歷八年七月

右黃石公祠記祠在東阿縣史記所謂濟北穀城山也唐天寶中郡守裴序禱雨有應布衣李卓爲文記之卓卽栖筠之初名也記成未刻至大歷八年馬炫爲郡守始勒諸石工未畢而謝

潛研堂金石錄卷之二
病去後守郭岑實踵成之是時栖筠已爲御史大夫矣布衣之
文侯貴顯而重與王播碧紗籠詩事正相類勢利之見豈獨縉
流爲然哉

贈工部尚書臧懷恪碑 大歷

右贈工部尚書臧懷恪碑不見立碑年月趙氏金石錄以爲大
歷中立顧氏金石文字記據碑文載廣德元年十月贈官詔書
因系之廣德元年予以魯公署銜證之而知德甫之可信也魯
公麻姑仙壇記云大歷三年真卿刺撫州其撰李舍光碑云大
歷六年真卿罷刺臨川旋舟建鄴今此碑題金紫光祿大夫行
撫州刺史上柱國魯郡開國公則必在大歷三年以後矣寶刻
類編以爲開元十二年立則但據其卒之年月并未讀其全文
尤爲疏舛

潤州上元縣福興寺碑 大歷五年六月

右潤州上元縣福興寺碑首題尚書金部郎中潁川許口撰末
行亦殘缺惟歲在庚戌六月字可辨蓋代宗大歷五年也碑爲
張從申書而歐趙諸家初未著錄明顧起元金陵古今金石攷
始列于目其云尚書許某文則非也許君官金部郎中金部者
戶部四曹之一而統於尚書省故繫銜有尚書字唐人稱郎官
例稱郎中若員外郎則稱其曹如金部屯田之類其稱尚書者
必是六部尚書未有以郎中而輒稱尚書者明人不通官制故
下筆多誤

贈太保張延賞碑 貞元三年十月

右贈太保張延賞碑首云貞元三年秋七月壬申丞相張公薨
于位又云冬十月乙酉蓋其葬之日趙氏金石錄題爲貞元三

年七月似未諦審其文矣文云太師又云歎異申以姻好謂苗
晉卿以女妻之太師者晉卿贈官也後云祁國夫人太師其下
剝落不可識祁國蓋延賞妻封号太師亦謂晉卿也前兩行曼
滅不見撰書人姓名趙德甫謂趙贊撰歸登書登善分隸有名
於貞元元和間延賞子宏靖碑亦登所書見於寶刻類編今不
可得矣

李抱真德政碑 貞元九年

右李抱真德政碑攷新舊唐書地理志五代職方攷磁州字無
从心者此碑磁字點畫分明又天祐十一年澤州開元寺神鐘
記亦作此磁字州縣之名當從其時本稱史臣秉筆任意更易
非得石刻何由決其然否此金石之有益於史學未可以玩物
喪志妄加訶斥也

聖母帖 貞元九年巳月

右聖母帖不著撰書人姓名相傳以爲僧懷素書攷宣和書譜
云懷素長沙人俗姓錢故自叙帖稱司勳員外郎吳興錢起爲
從父此帖有從叔父淮南節度觀察使禮部尙書雖不書名以
史證之則是杜岐公佑也錢與杜不同宗疑非藏真所書如果
出於藏真則誤文必別自一人矣或以爲皇從叔父驗石刻無
皇字

貞元無垢淨光塔銘 貞元十五年

右貞元無垢淨光塔銘今在福州府梁克家三山志云石塔寺
在州西南貞元十五年德宗誕節觀察使柳冕以石造塔賜名
貞元無垢淨光庾承宣爲記卽此碑也碑未題福建等州都團
練觀察處置等使朝請大夫使持節福州諸軍事守福州刺史

史以下皆闕以三山志證之知所闕者爲兼御史中丞及柳冕姓名也次一行題監軍使朝議郎行內侍省內府局丞員外置同正員上柱國賜緋魚袋魚獻獻字剝落止存右一筆今據三山志補之志所書魚獻結銜字多譌脫又當據碑爲正耳碑中基阯字避諱作基與慈恩寺基公塔銘正同

追樹十八代祖晉司空河東太守猗氏侯王公碑 貞元

右追樹十八代祖晉司空河東太守猗氏侯王公碑予曩見於金陵袁子才齋係裝翦之本文義多不聯屬標題顏魯公書予心知其非而無從正也頃嚴子進拓得一紙貽予下截雖曼患書碑人姓名猶可髣髴蓋韋縱也予向藏縱書鹽池靈慶公碑結體正相似鄭樵金石錄載縱書不及此碑蓋宋人見此刻者匙矣後題貞元十七年歲在辛巳十月庚寅朔二十日己酉建

較鹽池碑刻相去僅四年耳文爲虢州刺史王顏所作其述先世云四十一代祖周平王孫赤其父泄未立而卒平王崩赤當嗣爲叔父桓王廢而自立用赤爲大夫及莊王朝赤遂奔晉晉用爲并州牧自赤至龜八代代牧并州龜生喬至文釗十六代承前八代代襲封晉陽侯文釗生叔儁叔儁生伯口伯口生毛毛生卓卽碑所稱晉司空也太原琅邪二譜皆祖王子晉見於唐宰相世系表而顏皆非之今據史記周本紀平王崩太子洩洩與泄同蚤死立其子林是爲桓王若赤爲平王孫則與桓昆弟行不當云叔父矣春秋之世安得并州牧之稱晉書亦未見有司空王卓其人者以矛刺盾亦未知孰得而孰失也碑稱右丞維左相縉爲叔又譏張說越認范陽封燕國公縉越認琅邪封齊國公之失縉與顏相去不遠當得其實封氏聞見記載孔至

撰百家類例品第海內族望以燕公張說近代新門不入百家之數則燕公非名族當時固有議之者越認卽今人所謂通譜也

楊岐山禪師廣公碑 元和二年五月

右楊岐山禪師廣公碑廣公者乘廣也古人稱僧曰某公皆以名下一字故支道林曰林公佛圖澄曰澄公竺道生曰生公慧遠曰遠公寶誌曰誌公齊己曰己公宋元人稱僧或名字兼舉若洪覺範妙高峯柏子庭噩夢堂訶笑隱泐季潭之類亦取名下一字今世知之者尠矣此文載於劉賓客集以石刻校之不同者廿餘字皆當以石本爲正乘廣弟子甄叔亦有塔銘今集本叔作升誤之甚矣碑文之末有時宜春得良守齊口似是君字理行第一雅有護持之功化被於邑之庶寮及里之右族咸能回

向如邦君之志故借具爵里名氏列于其陰凡五十字集本無之當是夢得編定文集時刪去之耳碑云始生之辰歲在丁巳當元宗之中元終之夕歲直戊寅當德宗之後元攷明皇三改元先天開元天寶則開元爲中元也德宗亦三改元建中興元貞元則貞元爲後元也夢得自署銜云朗州司馬員外置同正員蓋當時遷謫惡地不必待缺大率員外置之東坡詩云逐客不妨員外置正用唐故事

左拾遺竇叔向碑 元和三年十月

右左拾遺竇叔向碑朝議郎侍御史內供奉上護軍太山羊士諤撰第十一姪朝議郎尚書右司員外郎易直書易直兩字雖磨泐以筆勢求之仿佛可見趙氏金石錄以爲竇公直書公直名不見於宰相世系表疑未可據唐書竇羣傳武元衡輔政薦

羣代爲中丞羣引呂溫羊士謬爲御史李吉甫以二人躁險持
不下羣忤很反怨吉甫今按吉甫以元和三年九月戊戌罷相
碑立於是年十月癸丑士謬已爲侍御史計其授官必在吉甫
未罷之日則吉甫亦未能終持不下也文雖殘闕其所叙世系
頗可證唐表之漏據表叔向於善衡當爲曾祖而碑稱高祖善
衡又云曾祖元○兗州任城令然則表脫任城一格矣其所述
諸子官階與史不盡合史所載者後來敫歷之職此據當時見
任而言非有異同也

大悲心隨羅尼幢 寶歷二年二月

右大悲心隨羅尼幢在廣州府光孝寺末題同經畧副使將仕
郎前守辰州都督府鑿博士廬江郡何宥則敬爲亾兄節度隨
軍文林郎守康州司馬宥卿造法性寺住持大德兼蒲澗寺大
德僧欽造書欽造自題閩川人它刻所未有也予家藏唐時石
幢甚多文皆右行此獨左行以今世所誦大悲咒核之無甚異
同唯夜作邪蘇作素盧作路穆作目音有輕重耳其後又有隨
羅尼一首石文剝落其名目不可攷矣

至大和壬子沙門至開爲製塔銘相距二十有三歲矣題
銘而篆額作碑銘篆人爲瑒邪王周古書碑人則僧元由也此
碑向無著錄者餘姚邵二雲侍讀爲予言在萍湖之楊岐山
之廿年不得頭澤州胥燕亭訪予吳門燕亭嘗宰萍湖檢後中
承廣甄叔二碑相贈喜海內之有同好也因書數言識之

楊漢公題名

右楊漢公題名在長興縣顧山之明月峽嘉慶辛酉春刑部
侍郎山陰楊漢公題名

不下羣伎復以怨言甫今按古前以元和三年九月戊戌罷相
碑立於是年十月癸丑七謬已為侍御史計其後計必在唐前
未罷之日則言甫亦未能終持不下也文雖殘闕其所敘世
頗可證唐表之滿據表叔向於善術當為曾祖而碑稱高祖前
衡又云曾祖元曰兗州任城令然則表就任城一格矣其所述
諸子官階與史不盡合史所載者後來歟歷之職此據當時見
任而言非有異同也

羅弘一首百文隸審其各日不百效矣

同知對斗源濼斗濼盪斗亂懸斗目音許鄧重耳其發文百調
勤甚冬文皆古行北澗空斗以今世通備大慧與對之無甚異
蘇晉燈燄書燈燄自照闍門入空際迴未許由字寒蕪與報許

潛研堂金石文跋尾續卷第三頁

嘉定錢大昕

唐

甄叔大師塔銘

大和六年四月

右甄叔大師塔銘甄叔者乘廣之弟子也卒於元和庚寅正月
至大和壬子沙門至閑為製塔銘相距二十有三歲矣題稱塔
銘而篆額作碑銘篆人為琅邪王周古書碑人則僧元幽也此
碑向無著錄者餘姚邵二雲侍讀為予言在萍鄉之楊岐山訪
之廿年不得頃澤州胥燕亭訪予吳門燕亭嘗宰萍鄉檢篋中
乘廣甄叔二碑相贈喜海內之有同好也因書數言識之

楊漢公題名

開成四年二月

右楊漢公題名在長興縣顧渚山之明月峽嘉慶辛酉春邢明
府佺山招予游是山始訪得之其文云湖州刺史楊漢公前試

太子通事舍人崔行章口事衙推馬悅州衙推唐從禮鄉貢進士鄭口鄉貢進士賈口開成四年二月十五日同游進士楊知本進士楊知範進士楊知口從行按唐書漢公傳但云除舒州刺史徙湖臺蘇三州刺史不言除授之年湖州府志題名云漢公開成三年三月自舒州移刺湖州充本道團練使此題云四年則莅任之次年也後列楊知本等三人從行當是漢公之子據本傳祇載子籌範二人宰相世系表漢公子有思愿輝籌範諲知章篆鈞籛簾管十一人未見有名知本者殆其子初名乎知範當卽範後去一字耳漢公兄虞卿之子有知退知權而漢公子亦有知章蓋楊氏羣從多以知聯名也

處士包公夫人墓誌

會昌三年十二月

右處士包公夫人墓誌海寧陳仲魚所贈云頃歲杭人培土得

之文字尙可辨有云行年六十有六以會昌三年十月九日奄終錢唐縣方興鄉之私第以其年癸亥十二月十二日丙申葬于履泰鄉之南原攷咸淳臨安志錢唐縣十三鄉有履泰南鄉履泰北鄉而未見方興之名蓋宋時諸縣鄉里之名多有更易不皆沿唐之舊也包君名字不見於誌今杭城南有包家山潛氏臨安志已載之是包亦杭之舊族矣其書銘作詔則它碑所未有

北嶽廟石柱題名

右北嶽廟石柱題名凡八面皆唐時祭嶽三獻官姓名向來金石家皆未著錄庚戌九月予游曲陽於廟中搜得之亟命工摹拓周遭讀之得文四通其一大中二年二月十三日節度使章損爲初獻其一大中二年十二月廿一日其一大中六年九月

十六日皆節度使李公度初獻其一咸通六年二月廿九日則
觀察使韋絢初獻也損公度結銜皆云義武軍節度易定等州
觀察處置北平軍等使獨絢稱易定等州觀察處置等使無節
度及北平軍使之稱未詳其故咸通終獻官節度掌書記試秘
書省校書郎柳告字口益蓋子厚之孫咸通四年以第三人登
科者也下方有元祐戊辰吳興劉燾無言題字云編讀題刻唐
人書類有楷法而二石柱尤佳是廟中石柱有二予惟見其一
耳

銅磬經咒文

大中五年九月

右銅磬經咒文前爲般若波羅蜜多心經十五行次佛頂尊勝
總持經咒八十一行最後兩行刻皇圖鞏固帝道遐昌佛日增
輝法輪常轉四句小楷端勁似魯公麻姑壇記磬口隸書皇唐
大中五年九月九日造頃江寧張君復純拓其文見貽且云此
磬向在天台國清寺桐鄉汪某以腴田卅畝從寺僧易得之今
爲鎮洋畢尙書所有以今工部尺度之崇尺有五寸十分寸之
八口徑七寸十分寸之三經咒文於腹內周刻之

盧鄴幼女姚婆墓誌

大中七年七月

右盧鄴幼女姚婆墓誌禮十六至十九爲長殤十二至十五爲
中殤八歲至十一爲下殤七歲已下爲無服之殤下殤女子於
法可以無誌然韓退之爲女挈銘曠世莫以爲非者父之子子
不忍其遽湮沒而欲有所托以永其傳亦人之恒情乎噫自唐
以來達官貴人豐碑大書不久而湮沒者何限而姚婆一弱女
越千載後乃得傳姓名於士夫之口事之有幸有不幸若此者
可勝道哉

尊勝陀羅尼真言并讚 大中甲戌秋幽月

右尊勝陀羅尼真言并讚在元和縣甫里保聖寺吾友嚴豹人訪得搨以詒予末題大唐大中甲戌歲秋幽月中元日建進士崔渙字穎枝書并撰讚有正書三行則宋皇祐五年住持沙門惟吉等重立題記也此幢不見於志乘而崔君書法精勁可觀其名右旁稍泐豹人疑是璞字今諦審之當為渙非璞矣譯音初無定字予見石刻南無字或作南牟或作曩謨或作那謨或作納謨此又作納慕音皆相近

郎官題名石柱 大中十一年

右郎官題名石柱八面如幢式自左司訖膳部皆先郎中次員外郎姓名俱正書按唐宋之制六部皆隸尚書省吏戶禮居左兵刑工居右其叙遷則以吏兵為前行戶刑為中行禮工為後

行每部各領四司司名與部同者為頭司餘為子司二十四司之外別有左右司各置郎中員外郎皆稱郎官此柱所刻則左司及左十二曹也歐趙所載張長史書石柱記有文無題名蓋別是一碑久已不存此柱雖有殘闕亦僅十之一二合之御史臺題名一代清流姓名畧備未必非攷史之一助也

宰塔波塔銘 咸通五年八月

右宰塔波塔銘布衣高墉述并書案釋元應一切經音義云寶塔諸經論中或作藪斗波或作塔婆或云兜婆或言偷婆或言蘇偷婆或言脂帝浮都亦言支提浮圖皆譌畧也正言宰觀波此譯云廟或云方墳此義翻也案元應以宰觀波為正此文作堵譯音元無定字也宰塔波與塔即非二物此題云宰塔波塔重複無當蓋唐人不知梵義者為之耳予嘗謂古無塔字唯葛

洪字苑有之云佛堂也音宅合反見一切經音義据元應所述諸文斗也兜也帝也覩也皆與荅聲相近釋教初入中國塔婆字本當為荅後人增加土旁而雅川承之其音為他合切者又即偷婆之轉聲也

後魏昌黎王馮熙新廟碑 咸通八年十一月

右後魏昌黎王馮熙新廟碑蓋其十二代孫元德所述而弟元錫書之者大畧云廟為洛北之望祀遠近里社鼓管趨赴及問王之名位爵邑皆失其傳碑板埋滅莫識何從退尋家牒攷於魏史知卽愚之十二代祖則是神之名字本無可攷特出於元德輩之傳會耳熙以外戚貴盛本無才能其在洛取人子女為奴婢有容色者幸之為妾號為食縱營塔寺多在高山秀阜傷殺人牛有沙門勸止之熙曰成就後人唯見佛圖焉知殺人牛

也此其為政豈有功德及人而能廟食百世者馮君之名不傳後代要當疑而闕之若執此誣妄之詞以為左證非勸善之義矣碑末題十一月壬子九日甲辰尤為舛謬若壬子為月朔日則九日是庚申非甲辰若甲辰是月之九日則朔日當是丙申且壬子在甲辰之後不應倒置若此攷溫公通鑑目錄推是歲十一月果是丙申朔可據以正碑之誤

某君墓誌 咸通十一年二月

右某君墓誌蕭山汪煥曾所詒云縣人掘土新得文字尙可讀惜前數行斷裂無從得其姓名據銘詞云嗚呼公都碩學鴻儒豈公都卽其字邪君以咸通十年四月歿十一年二月葬製文者名庠姓亦無可攷文云葬于昭元鄉昭元里社頭村之原而空處別有一行云續改地在廣孝鄉延壽里杜湖村之原此式

它碑未之有言金石例者所當知也

瑯琊王夫人墓誌 乾符三年二月

右瑯琊王夫人墓銘在西安府崇仁寺題云墓銘實與佛頂尊勝陀羅尼同刻一幢非埋于窆中者瑯琊字古書多作琅邪此用唐人俗體夫人爲玉册官內供奉強瓊之妻強氏見於史者唯宋強至及其子淵明瓊任玉册官殆以鐫字供奉者歟文云忽染膏荒之疾借荒爲旨也

尊勝陀羅尼經 乾符五年

右尊勝陀羅尼經乾隆壬子十月張夔子恂訪予吳門寓館出此幢拓本見詒云在昭文縣梅李鎮之燕脂墩邑乘向未采錄頃始訪求得之蓋唐乾符五年所鐫距今九百一十四年矣唐石幢多不列書人姓名此幢亦然玩其筆跡迥整有法度不在

高岑僧无可之下

撫州寶應寺鐘文 大順元年十月

右撫州寶應寺鐘文云維唐大順元年歲次庚戌拾月癸未朔拾壹日癸巳撫州寶應寺募衆緣於洪州南冶鑄銅鐘壹口重三斤斤上爲國王大臣當府司空郡主尙書次及州縣官遼將士軍人什方信男信女師僧父母然願國界安寧法輪常轉有識含靈同霑此福永充供養其云當府司空者鎮南軍節度使鍾傳也郡主尙書者撫州刺史危全諷也列名者百餘人首一行云金紫光祿大夫檢校工部尙書使持節撫州諸軍事守撫州刺史兼御史大夫上柱國危全諷攷全諷以中和二年壬寅歲據撫州至梁開平三年己巳爲楊氏所併在州二十八年唐五代二史僅附見鍾傳傳其檢校工部尙書亦可裨二史之闕

升僊廟興功記 乾寧四年正月

右升僊廟興功記尙書禮部郎中賜緋魚袋李綽撰末行前進士鄭珏書其下有注云光化三年添前字顧氏日知錄云唐人未第稱進士已及第則稱前進士雍錄引唐人詩云會題名處添前字今讀此碑足爲添字之證顧氏曾游嵩少惜其未睹此刻也李綽有秦中歲時記一卷陳直齋題爲唐膳部郎中其序云緬思庚子之歲洊周戊辰之年戊辰梁開平二年也按唐時六部各分四曹禮祠客膳雖云同署而禮部爲頭司祠部主客膳部爲子司資望不等綽於乾寧四年已官禮部郎中更闕十有餘歲何以轉題膳部恐直齋誤記抑或中遭罷斥而更叙復乎

梁府君墓誌 天祐十年孟冬月

右梁府君墓誌文云以天祐十年癸酉歲孟冬月己巳朔二十三日辛卯於易州東北隅一里半易縣口山鄉梁村之右蓋在唐亾之後七年易定節度使王處直猶用唐年號也攷後梁以天祐四年丁卯受唐禪處直奉其正朔至開平四年庚午與鎮州王鎔俱附於晉復用唐年號當稱天祐七年則癸酉歲正天祐之十年也誌載曾祖諱希幹皇祖諱甫平皇考諱重立字顯英述其事狀甚備其後云夫人武功蘇氏云云又云府君有嗣子三人而於府君之名字行狀絕不及焉細繹之則皇考與府君竟是一人而誌文又非其子所作所謂名不正而言不順者矣

澤州開元寺神鍾記 天祐十一年七月

右澤州開元寺神鍾記首云昭義軍節度使澤潞磁邢洛等州

觀察處置等使開府儀同三司檢校太傅兼侍中潞州大都督府長史上柱國隴西郡開國公食邑一千五百戶李嗣昭新鑄澤州開元寺神鍾記末題天祐十一年七月十三日蓋唐莊宗繼鎮河東仍用天祐紀年於梁爲乾化四年也唐時昭義節鎮本領五州季年汴晉交兵澤潞屬晉邢洺磁屬梁此鍾晉人所刻邢洺磁三州久不在昭義管內而結銜猶仍唐舊史載五州次第皆列磁於邢洺下此獨移磁在邢上然則方鎮下支郡初無一定之次矣此銘鐫於鐘上字畫亦秀整不失唐人規矩宋以後鐘款多隱起作陽文非古製也歐史載嗣昭歷官甚畧其檢校太傅兼侍中隴西郡公皆例所應書而史失之唐制方鎮加中書令侍中平章事者謂之使相記文稱嗣昭爲府主侍中蓋舉其重者稱之三師三公秩雖正一品尙不如使相之榮也

張孝孫題名

右張孝孫題名在丘據題名之後其文自左而右云銀青光祿大夫殿中下闕將軍左金吾衛大將軍下闕節度副使元從鎮國下闕潼關節度都虞候下闕張孝孫恭謁靈祠凡五行不畧年月攷唐自明皇幸蜀肅宗卽位德宗幸奉天而從行將士始有元從之名方鎮表興元元年以華州置潼關節度使貞元九年罷潼關節度使此後別無潼關節度之稱又舊唐書李元諒傳遷華州刺史兼御史大夫潼關防禦鎮國軍節度使是鎮國卽潼關節度之軍號孝孫名雖不見於史以題銜證之當是興元貞元時人也末行下有熙寧辛亥云云乃宋人續題字體大小迥殊或疑孝孫卽熙寧間人第弗深攷尔

竇鞏等題名

右實鞏等題名七行在青州府城門壁間李南澗郡丞搨以見贈其文左行上下俱殘闕每行厯存十數字曰州觀察處置押新羅渤海兩蕃等使金紫曰事兼青州刺史御史大夫上柱國韓國曰部員外郎兼侍御史內供奉賜緋魚袋實鞏曰裏行韋曾曰上柱國齊孝宏曰儀郎薛華士曰裏行源方回案唐制節度使例兼管内觀察處置等使及本州刺史淄青節度又例兼押新羅渤海兩蕃使此首兩行蓋淄青節度之銜韓國似其人封爵也舊唐書實鞏傳云平盧薛平辟爲副使入朝拜侍御史平盧卽淄青軍號此題蓋在鞏任節度副使之日則首兩行殆卽薛平之銜乎舊唐書憲宗紀元和十四年三月以義成軍節度使薛平爲青州刺史充平盧軍節度淄青齊登萊等州觀察等使此題名必在元和末矣

後梁

昭義軍節度葛從周碑

貞明二年十月

右昭義軍節度澤潞等州觀察處置等使開府儀同三司檢校太師兼侍中守潞州大都督府長史葛從周神道碑貞明二年十月建從周歐史有傳其檢校太師兼侍中則史未之載昭義者潞州軍號也唐季潞爲河東所有不在朱梁管內從周以疾致仕遙授節度令食其俸于家非眞節度也宋世節鎮在家支俸之例實昉于此周德威小字陽五此碑作揚五文云歸葬于偃師縣毫邑鄉黃叔璥中州金石表所載偃師碑甚夥而獨遺此吾友武君虛谷始搨以遺予文雖殘損猶足爲攷史之助于思容齊乘謂在平縣有五代葛從周墓土人名曰葛塊讀是碑始知土俗相傳之誤

後晉

贈太傅羅周敬墓誌 天福二年十月

右贈太傅羅周敬墓誌近洛陽人培土得之吾友偃師武虛谷始著於錄昨常熟張子恂游中州寄僕石刻四通此其一也周敬者梁漢雄軍節度使中書令紹威第三子義成軍節度使周翰之弟歐史雖附見紹威傳而事迹不詳此誌文尚完好所述除授官職月日具備可裨史家之闕其母秦國夫人劉氏故兗州節度使太師公之女當是劉鄩也周敬以世胄尚梁公主十歲卽鎮滑州十二移鎮許州入唐及晉歷掌環衛唯唐明宗時會一出鎮同州年才卅三身歷三代殷鵬作誌唯書晉天福年號前代但紀于支頗爲有法而中有梁乾化初一語則又自亂其例矣誌文云葬于洛陽縣之原而銘詞後有洛陽縣清封鄉

積岡村九字它碑未見此例也儻不郡郡當作羣壁田來暮壁當作壁此下筆偶誤或偏旁同者可假借互用乎

後周

濟州刺史任公屏盜碑 顯德二年閏九月

右濟州刺史任公屏盜碑在鉅野縣人墮水中姚半塘始募人昇出搨一紙貽予文甚完好金石家都未著錄也題云大周推誠奉義翊戴功臣特進檢校太保使持節濟州諸軍事行濟州刺史兼御史大夫上柱國西河郡開國公食邑二千三百戶任公屏盜碑銘并序朝議郎行左拾遺充集賢殿修撰臣李昉奉勅撰翰林待詔朝議大夫行司農丞臣張光振奉勅書碑末題軍事判官朝議郎行大理司直兼殿中侍御史張穆篆額以非奉勅篆故不稱臣而退居後也任公名漢權蜀國人以武略事

累朝初牧於丹移治於趙後乃治濟以武夫而有政績良未易得而新舊五代史不見其姓名經八百餘年此碑復顯於世斯亦能吏之報矣予初見郭進衛州屏盜碑證以史傳歎登洛二州之碑不可復得今觀此碑乃知當時諸州立石頌德者不止進一人而光振書法道媚亦不在孫崇望下也

匡國軍節度使贈太尉白延遇碑 顯德六年七月

右匡國軍節度使贈太尉白延遇碑置堦中溶於圓妙觀市買得之碑凡卅七行行七十五字首題大周故推誠奉義翊戴功臣匡國軍節度管內觀察處置等使光祿大夫檢校太傅使持節同州諸軍事行同州刺史兼御史大夫上柱國南陽郡開國公食邑二千戶贈太尉白公神道碑銘將仕郎守右拾遺臣楊徽之奉勅撰翰林待詔將仕郎試祕書省校書郎何光瀚書公

諱延遇字希聖太原人事晉祖補弓箭庫使歷控鶴都虞候興口都指揮使鄴都口步軍都指揮使以功超轉口口第六軍都指揮使領萬州刺史又轉第二軍都指揮使綿州刺史漢興以平鄴功授護聖左廂都指揮使檢校司徒領口州防禦使少主嗣位授汾州防禦使罷任授復州防禦使加檢校太保太祖討兗州充馬步軍先鋒兗州平授齊州防禦使加檢校太傅皇上臨御授兗州防禦使進封開國公南征之始以公充淮南道前軍先鋒都指揮使四年春奉詔歸任未幾授匡國軍節度使加食邑至二千戶是年秋復充淮南道前軍先鋒都指揮使兼招安巡檢使統兵濠州冬十月靈旗載舉公已寢疾以十一月四日薨于濠州師次享年四十三詔贈太尉賙賻有加門人故吏護喪歸東京至五年正月二十七日巳酉葬于西京河南縣口

口鄉張封村西張里按延遇以軍功擢節鎮未到官而卒史不為立傳故撮其歷官本末以裨史氏之闕皇甫暉之就擒史但歸功于宋太祖而此碑云皇甫暉口口滁州漢謀堅壁獸猶困鬪狐但首丘率眾先登生擒以獻朝廷嘉賞功實居先碑為徽之奉勅撰述當必不誤徽之仕周官右拾遺與宋史本傳合碑云葬于西京河南縣而畢氏中州金石記未著于錄不識碑石今無恙否也

尊勝陀羅尼幢

右尊勝陀羅尼幢在廣德州城北廿里鎮山寺甲寅歲瞿堦鏡濤游桐川手拓其文歸以畀予文稱將仕郎守尉金峻將仕郎守尉孔擢將仕郎守尉殷湘文林郎守主簿周拭攝丞文林郎守文學孔詒鎮遏使兼監察御下闕又稱募眾緣造佛頂尊勝

陀羅尼幢一隻於安國寺殿前豎立奉為國王帝主州縣寮寮及諸助緣弟子四恩三友法界有情同霑下闕字畫有唐人法度而不見年月按鎮遏使唐季五代往往有之此幢疑楊氏承制時所刻陸子靜跋信州雄石鎮帖稱官名有鎮遏使唐龍紀元年刻

吳

尊勝陀羅尼真言

天祚二年閏十一月

右尊勝陀羅尼真言後題右街右南巡贊賢坊市北界清信男弟子周從今捨淨財建造佛頂尊勝陀羅尼碑子一所捨於井畔永充供養意者為亡妻丁氏二娘子於天祚二年四月丙染患時疾之時不知誤落井中為伏即復固意投井致於身死從緣此時亦在床枕昏迷不知端的自從歿化已來未知生昇伏

彫卽願字 亾魂不昧承此功德早生淨土見佛聞法莫似今生愛別離苦云云時天祚二年歲次丙申閏十一月庚子朔一日口口建天祚者楊溥年號其二年卽晉天福元年也據溫公通鑑目錄是歲十月丙辰朔十二月乙酉朔閏在十月此碑云閏十一月蓋當時南北分土司天置閏先後或差一月固無足怪但依溫公所推則閏十月當丙戌朔十一月當丙辰朔江南置閏卽在十一月後其朔亦當是乙卯丙辰兩日不應差至半月餘石刻作庚子未可據也

吳越

竹林寺石幢

右竹林寺雙石幢在臨安縣東西相向制極雄偉皆吳越錢武肅王所立東幢刻佛說守護國界主陀羅尼經西幢刻千手千

眼大悲心陀羅尼經後有跋語數行皆儷語未題寶大元年歲次甲申五月一日天下都元帥吳越國王鏐建則兩幢皆同其云七帝酬恩者謂唐懿宗僖宗昭宗哀帝梁太祖末帝後唐莊宗也甲申者後唐同光二年王順伯復齋碑錄搜錄吳越紀元石幢甚多而此兩幢獨未之及王象之輿地碑目亦遺之頃歲何夢華始訪得椎拓其文頗完好可誦予因與寓目焉亦晚年一快也風山碑寶正字頗磨泐而此幢寶大字未經鑿損吳任臣十國春秋於建塔修廟皆大書於世家此幢獨不著錄今距吳氏著書又百餘年而予乃得見之斯亦足以傲前賢矣

新建風山靈德王廟記

寶正六年

右新建風山靈德王廟記後題寶正六年重光單闕歲爲相之月二十有三日記最後一行題天下都元帥吳越國王九字字

較大而不署名讀其文自稱寡人知爲武肅王所撰字體與崇福侯廟碑相似殆出一手寶正兩字磨泐不甚可辨蓋忠懿納土後鑿去爾雅釋天云七月爲相此題爲相之月必七月矣吳氏十國春秋載寶正六年冬十一月重建防風山靈德王廟成王勅撰廟記卽謂此碑但記文明言丙戌年八月二十四日起首至其年十一月畢功丙戌者寶正元年以八月興工十一月告成洎辛卯歲立碑相距已五載吳氏誤以立碑之年爲廟成之年又誤以相月爲十一月皆攷之未審爾史記汪罔氏之君守封禺之山裴駟引韋昭曰封封山禺禺山在吳郡永安縣又云駟案晉太康元年改永安爲武康縣今屬吳興郡今風山在縣東二十里廟在山下風封同音殆卽韋君所謂封山也予收藏金石刻二千餘通吳越刻亦有十餘獨未得天寶寶大寶正之刻常以爲憾丙辰春錢唐何夢華購此寄贈令我手脚輕欲旋矣

僧統大師塔銘

應順元年五月

右僧統大師塔銘在臨安縣功臣山淨度寺向來金石家皆未著錄頃錢唐何夢華訪得手拓一通見詒文二十四行行六十四字首題吳越國故僧統慧因普光大師塔銘而篆額但云吳越國故僧統大師塔銘蓋以統攝爲貴不以美號爲榮緇流之尙勢利與仕途如一轍也文云大師俗姓錢氏法號令因卽今天下都元帥吳越國王第十九子歿十國春秋載武肅王三十八子不言有出家者是吳氏未見此碑矣師年始十三於梁乾化三年四月對佛披剃寶大元年八月十三日圓寂享年二十有四卽以其年十二月歸窆撰文者鎮東軍節度掌書記徐其

名則不可辨矣書人名益剝泐似有沙門字末行云時唐應順元年歲次甲午五月庚子朔十九日戊午建應順者唐閔帝紀年也是歲四月潞王篡立改元清泰此碑建於五月猶書應順者洛都與吳越隔遠又爲淮南所阻使命皆由海道得達潞王改元之詔吳越無由知之也碑文用梁乾化貞明龍德年號而特書寶大紀年不用唐同光之號此不可解

吳越國王造塔記 乙卯歲

右吳越國王造塔記凡四行文云吳越國王錢弘俶造八万四千寶塔乙卯歲記卽周晉仙所謂金塗塔也晉仙詩云錢王納土歸京師流落多在西湖寺納土本忠懿王事惟詩中太師尙父尙書令一語偶誤蓋忠懿未嘗有尙父之稱也竹垞檢討直以爲武肅王造由於未見拓本故尔宋史吳越世家忠懿單名俶蓋避宋諱去上一字塔造於乙卯歲在宋受禪之前固無所避也

崇化寺西塔基記 戊午七月

右崇化寺西塔基記文云吳越王長舅鄭國公吳延福載興磚塔二所香泥木石爲此鎡基厚二丈餘其固若山他日製爲請無疑也按宋史吳越世家建隆元年俶舅寧國軍節度使吳延福有異圖左右勸俶誅之俶曰先夫人同氣安忍寘於法但黜延福於外終全母族史不言鄭國公之封畧之也後題唐下元戊午七月二十八日戊午爲周世宗顯德五年乃稱唐下元者遯甲三元術以唐興元元年甲子爲上元會昌四年甲子爲中元天祐元年甲子爲下元戊午乃下元甲子之第五十五年泝其始而言故云唐下元也虎邱石幢題下元甲子顯德五載龍

集戊午雖以顯德繫年仍冠以下元甲子亦同此例且當時方
鎮割據世守其土雖奉中朝正朔不冒加大周大宋之稱如祇
園寺塔稱顯德而不稱大周南唐龍光寺碑稱開寶而不稱大
宋皆其證矣

祇園寺舍利塔題字

顯德五年十一月

右祇園寺銅舍利塔題字海鹽張燕昌芑堂嘗爲予言在蕭山
之祇園寺乾隆丙申殿前方浮圖爲水所圮寺僧拾瓌輒得小
方塔一高七寸博五寸其製似錢忠懿王金塗塔芑堂嘗與邑
人汪進士輝祖煥曾蔡秀才英雲白同往觀之癸卯歲予過蕭
山人祇園寺訪僧雜詭言在縣令所悵然而返丙辰秋煥曾始
搨其文貽予凡五十九字周圍刻之云弟子夏承厚并妻林一
娘闔家眷屬捨淨財鑄真身舍利塔兩所恐有多生罪障業障
竝願消除承茲靈善願往西方淨土戊午顯德五年十一月三
日記蓋吳越忠懿王嗣位之十一年奉中朝正朔也蔡君記作
夏承原今審視之當是厚字

南漢

拓路記

大寶三年

右拓路記其文云以大寶三年庚申歲月在仲冬開拓此路爲
留題記凡三行二十字行書頗縱逸在潮州府西湖旁大石上
金石家未有著錄者益都李南澗知潮陽日赴郡游斯湖始見
而拓之

後蜀

石經左傳殘字

子也

夫子
韓起

君子有信其有以知之矣

爲十

年齊樂施高自齊聘於衛衛侯享之北

疆來奔張本淇澳詩衛風美武公宣子

賦木瓜木瓜亦衛風義取夏四月韓須如

齊送女須韓起之子送少姜齊陳無宇送女致少姜少

姜有寵於晉侯晉侯謂之少齊為立別號所以寵異之

謂陳無宇非卿欲使齊以適夫人禮送少姜執諸中都

中都晉邑在四河界休縣東南少姜為之請日送從逆班

班列也公族大夫陳無宇上大夫言齊畏晉改易禮制使上大夫送致此執辱之罪蓋少姜謙以示謙

叔弓聘于晉報宣子也此春韓宣子來聘晉侯

使郊勞聘禮賓至近郊君使卿勞之辭曰寡君使弓

來繼舊好固曰女無敢為賓徹命於

執事敝邑弘矣徹達也敢辱郊使請辭

辭郊勞致館辭曰寡君命下臣來繼舊

好好合使成臣之祿也得通君命則於已為榮祿敢辱

大館敢不叔向曰子叔子知禮哉吾聞

中間闕一行脫正文十四字注二字

也謂稱舊好辭不忘國忠信也謂稱舊好先國後已界

讓也始稱敝邑之弘先國也次稱臣之祿後已也詩曰敬慎威儀

以近有德夫子近德矣詩大雅秋鄭公孫

黑將作亂欲去游氏而代其位游氏大叔之族黑為

傷疾作而不果前年游楚擊傷創駟

氏與諸大夫欲殺之駟氏黑之族子產在鄙

聞之懼弗及乘遽而至遽傳使吏數

之責數曰伯有之亂在襄三以大國之事

按伯有死在襄三

而未爾討也務共大國之命爾有亂心無

十年注衍一字

厭國不女堪專伐伯有而罪一也昆

弟爭室而罪二也謂爭徐吾薰隧之盟

女矯君位而罪三也謂使大史有死罪

三何以堪之不速死大刑將至再拜

稽首辭曰死在朝夕無助天為虐子

產曰人誰不死凶人不終命也作凶事

為凶人不助天其助凶人乎請以印為

褚師印子哲之子子產曰印也若才君將

在之不才將朝夕從女女罪之不恤而

右春秋左傳殘本三百九十五字注二百六十七字吳門陳芳

林所藏皆昭二年傳左氏之第二十卷也曾宏父石刻鋪叙云

春秋左氏傳二十八册三十卷序一千六百一十七字經傳十

九萬七千二百六十五字注十四萬六千九百六十二字蜀鐫

至十七卷止此殘字在十八卷以後或疑宋人續刻今攷成都

志但云公穀田況所刻不及左傳此殘字中遇宋諱初不缺筆

其出于孟蜀無可疑者宏父雖云春秋三傳則皇祐元年九月

訖功而兼采成都志之言則固不以左氏傳為況刻也詩書禮

記周禮皆有書人姓名而無刊石年月儀禮則并無書人姓名

與左傳同大約諸經書石本同一時而卷帙有多寡故鐫成有

先後之殊工成或在宋代字畫實皆蜀刻左傳於諸經中文字

最鏗鏘成亦最在後非蜀亡之日尚有未經繕寫者留待宋人

續補也唯公穀二傳廣政中未有寫本旋遇國亡此事遂輟直

至皇祐初田況作郡始續成之耳攷蜀之亾在乾德三年乙丑
距皇祐元年己丑八十有四年使左傳果刻至十七卷止僅存
後十三卷何至遷延八十餘載始告成事耶南宋時蜀石經完
好無恙曾宏父趙希弁輩述之甚詳而元明儒者絕無一言及
之殆亾於嘉熙淳祐以後近錢塘厲太鴻曾見毛詩左傳殘字
作詩紀之予訪求四十年不可得蓋流落人間者希矣

潛研堂金石文跋尾續卷第四

嘉定錢大昕

宋

龍興寺鑄金銅像菩薩并蓋大悲閣序

右龍興寺鑄金銅像菩薩并蓋大悲閣序僧惠演所撰云開寶
四年七月下手脩鑄而不詳畢工之年月據其文稱太祖皇帝
廟号則當在太宗改元太平興國以後矣而末題乾德元年歲
次五月八日記攷乾德紀元在開寶之前書歲次而不書干支
亦無此例碑當時所立不應如此紕繆當是翻刻時年号剝落
而以意妄改耳

郭忠恕三體書陰符經

乾德四年四月

忠恕三體書陰符經三體者古文篆隸也大書篆體而古
文與隸旁注於下雖兼三體實以篆為主忠恕書法方駕陽冰

實在同時二徐之上夢英已下遠不逮矣族子獻之云此經刻于唐實際寺懷暉禪師碑之背面

夢英書夫子廟堂記

右夢英書夫子廟堂記自跋云此記刊石元在湖州臨安縣案湖州有歸安縣無臨安縣臨安乃杭州屬縣自唐至今未聞改隸英公何不攷乃尔其末題壬午歲六月廿五日蓋太平興國七年也碑末列銜者四人承奉郎守太子右贊善大夫陝府西南路諸州水陸計度同轉運賜緋魚袋祖吉通直郎行左補闕陝府西南路諸州水陸計度轉運副使賜緋魚袋趙載兩人爲一列朝散大夫行殿中侍御史通判永興軍府事師頴朝散大夫行尚書考功員外郎權知永興軍府事柱國李準兩人爲一列轉運爲監司官故列於郡官之上其序則以後爲尊也宋史

職官志轉運司有使副使判官而不載同轉運之名今攷李氏長編太平興國七年有西川同轉運范祥東川同轉運卜倫荆湖同轉運孫日新此碑亦有同轉運祖吉則是宋初曾置是官不知省於何年志所載特熙寧以後之制耳師頴宋史有傳刊本或譌作頴當據碑正之傳云太平興國初遷監察御史通判永興軍坐秦王廷美假公帑緡錢左授乾州團練副使尋復舊官六年改殿中侍御史通判邠州據此碑則以殿中侍御史通判永興軍乃在七年恐史有誤也

鐵佛寺塔柱文 淳化元年

右鐵佛寺塔柱文上鐫上生皈依發願文及往生內院真言潭州管内觀察判官李思明發心鐫寫下鐫千臂千眼觀世音菩薩陀羅尼大身真言末題進士董護書開福禪寺傳法沙門道

崧鐫經宋淳化元年庚寅歲李昇鐫字在長沙府鐵佛寺金石家未有著錄者今春錢唐梁侍講山舟以家藏本見貽蓋其弟冲泉侍郎爲湖南按察使日適有修塔之役拂拭得之并賦詩紀其事五金唯鐵易壞鐫刻淡入匪易古鐵文之存於今者唯南漢二塔及此柱皆陰識淡刻點畫有法非近代鐫工所及若楊吳之大安寺香爐則陽文隱起字亦敲斜難以模楷後世矣

元聖文宣王贊并加號詔 大中祥符

右元聖文宣王贊并加號詔碑分上下層上刻御製贊下刻詔書末三行云大中祥符元年十月十四日東封禮畢十一月一日車駕幸曲阜縣謁奠先聖文宣王命刑部尚書溫仲舒等分奠七十二弟子先儒禮畢幸孔林是日詔先聖加號元聖文宣王御製贊又詔吏部尚書張齊賢等次日以太牢致祭詔充公

顏子進封兗國公十哲閔子已下進封公會子已下進封侯先儒左丘明已下進封伯五年八月二十二日奉勅諸道州府軍監各於元聖文宣王廟刻御製贊并詔十一月日奉勅改謚曰至聖文宣王碑未見建立年月蓋在大中祥符六年以後也碑在南雄府學明倫堂前當時各路州府依勅刊勒宜處處有之今皆不存而五嶺以南畱此片石以備文廟掌故居然魯靈光矣翁氏粵東金石略未收此刻予爲表而出之

王瀆題名 天聖元年九月

右王瀆題名正書自左而右在虎邱劔池石壁文云大宋天聖元年癸亥九月十日太常丞同判福州王瀆與泉州同安尉林太易男緯侍行書于石紀年祀其云同判者通判也天聖初章獻太后臨朝避其父諱凡官名地名通字皆易之如通州爲

崇州通利軍爲安利通判爲同判是也后崩後卽復其舊王瀆應天府人參知政事堯臣之父見宋史隱逸傳天聖九年爲審刑院詳議官殿中丞坐弟冲事責監蔡州稅見續通鑑長編

王質等題名

右王質等題名八行在虎邱石壁其文云太原王質子野武都章旣進之姪岷伯鎮□陵馬宗誨□□天水趙士龍雲卿梵才大師長□己巳九月廿日同識己巳者仁宗天聖七年其時質以集賢校理同判蘇州岷則節度推官也吳郡圖經續記云平江節度推官廨舍昔甚隘陋天聖中章岷伯鎮居幕府始廣而新之伯鎮之弟伯瞻及今太守朝議公同侍親居此記所云太守者名岵字伯望伯瞻官至太常少卿按漕廣東其名則不可攷矣岷名位亦顯治平元年八月以刑部郎中奉使契丹見宋

史英宗紀治平二年八月以光祿卿直祕閣知越州四年五月移福州見嘉泰會稽志

朱吳等題名 天聖八年八月

右朱吳等題名行書自左而右凡七行文云給事中新知揚州朱吳集賢校理同判蘇州王質集賢校理同判杭州錢仙芝大理寺丞知長洲縣事卻飾廣州支使知吳縣事馮允成節度推官試校書郎章岷天聖八年八月十二日同遊朱吳者天長人子壽昌見宋史孝義傳姑蘇志稱明道元年二月以給事中集賢院學士知揚州改任蘇州八月以工部侍郎致仕據此刻則吳於未任揚州之前已到蘇州但未知其居何職耳

葉清臣題名

右葉清臣題名在華陰縣嶽廟文云翰林侍讀學士尙書戶部

郎中知永興軍府事本路安撫使兵馬都部署吳興郡侯葉清
臣慶歷丁亥秋赴官便道恭款神祠明年四月蒙恩召還再經
宇下時通判永興軍府劉紀駐泊都監王仲平管勾機宜韓鐸
知涇陽縣施邈同州觀察推官李孚佑從行丁亥者慶歷七年
也攷清臣傳云入翰林爲學士丁父憂服除卽除翰林侍讀學
士知邠州道由京師因請對改澶州進尙書戶部郎中知青州
徙知永興軍會河決商湖北道艱食復以爲翰林學士權三司
使此題乃由永興軍內名尙未授職時宋初遣大將出征則稱
兵馬都部署仁宗朝置諸路安撫使兼本路馬步軍都部署以
守臣領之故安撫有帥臣之稱其後避英宗嫌名改部署曰總
管而職任如舊其云駐泊都監則武臣管軍者隸於都部署司
所謂路分都監也安撫例兼都部署故史家略而不書南渡以
後列傳間有書兼馬步軍都總管者則史臣失於檢勘故也列
傳又有但書知某州而不言兼安撫者此史之省文非委任有
輕重之殊元明以後士大夫讀史能知其義例者罕矣

旌賢崇梵院牒 皇祐二年九月

右旌賢崇梵院牒首一行云中書門下牒旌賢崇梵院牒尾列
銜三人曰工部侍郎叅知政事高曰兵部侍郎平章事宋曰吏
部侍郎平章事文蓋文彥博宋庠高若訥也中載右諫議大夫
天章閣待制勾當三班院王子融奏臣亾兄曾於鄭州新鄭縣
安葬墳側修到僧院已奉勅賜号崇梵院欲乞依呂夷簡等墳
所僧院例每年撥放剃度行者并臣亾兄神道碑昨蒙御篆賜
名旌賢其崇梵院欲乞賜号旌賢崇梵院候勅旨奉勅宜特賜
旌賢崇梵院爲額每年乾元節與剃度行者壹名按春明退朝

錄皇祐中王侍郎子融守河中還以唐明皇所題裴耀卿碑額上之仁宗遂御篆賜沂公碑曰旌賢其後踵之者呂許公懷忠李燾長編亦云王曾家請御篆墓碑帝因惻然思夷簡書懷忠之碑四字以賜之蓋御篆碑額本是夷簡依曾例而僧院歲剝度行者一人則又曾家援夷簡爲例也子融本名皞寶元中嘗奉勅撰唐餘錄六十卷其時尚未更名厥後以與元昊同音請改以字行

韓愷墓誌

嘉祐七年十一月

右韓愷墓誌愷字和仲殿中丞公彥之次子年二十而卒忠獻公琦銘其墓前列銜云叔祖開府儀同三司行刑部尚書同中書門下平章事昭文館大學士監修國史上柱國儀國公攷宋史宰輔表嘉祐三年六月韓琦自樞密使工部尚書依前官同

平章事六年閏八月自工部尚書同平章事加昭文館大學士監修國史其轉刑部尚書封儀國公則表闕之續通鑑長編嘉祐七年九月以明堂赦書加恩宰相韓琦封儀國公八年四月加門下侍郎兼兵部尚書進封衛國公此皆可補表之闕而自工部轉刑部究未詳何年月也

石林亭詩

嘉祐七年十二月

右石林亭詩翰林侍讀學士尚書禮部郎中永興軍路安撫使兼知軍府事劉敞作次其韻者將仕郎守大理評事簽書鳳翔府節度判官廳公事蘇軾也額題京兆唱和四篆字嘉祐七年十二月十五日將仕郎守縣尉兼主簿事李邵書登仕郎試祕書省校書郎守鳳翔府麟遊縣令郭九齡建按簽署改爲簽書本是避英宗嫌名嘉祐七年之冬英宗尚未卽位無緣先爲改

易殆刻於次年三月以後也宋時文臣出莅節鎮例書知某州某府不書軍額獨京兆稱知永興軍不云知京兆府大名或稱知天雄軍

山陰縣新建廣陵斗門記 嘉祐八年

右山陰縣新建廣陵斗門記將仕郎守許州許田縣尉張燾撰并書將仕郎守越州山陰縣尉李公寢篆額碑末列文林郎守主簿王冲朝奉郎守太子右贊善大夫知縣事兼提舉鑑湖武騎尉吳安朝奉郎尚書屯田員外郎通判越州軍州兼管內堤堰橋道勸農同提點銀場公事騎都尉賜緋魚袋張詵立石宋史列傳有兩張燾其一字子公仕南渡孝宗朝相距年代已遠其一字景元仕英宗神宗朝當卽其人傳不言爲許田尉者略也燾楷書極似唐人其書患作患庸作庸堰作堰則它碑所未見公度篆亦有法廣陵斗門乃後漢會稽太守馬臻所立三大斗門之一曾子固序越州鑑湖圖亦載此名與漢之廣陵國初不相涉秀水朱氏因元時江浙行省鄉試賦有以錢唐江當枚乘七發之曲江者遂援此以證廣陵去錢唐不遠然枚乘生于文景之世不可以後證前

二體石經周禮殘字 嘉祐

右二體石經周禮殘字凡六列每行十字一行篆書一行正書
大宗伯八十八字小宗伯六十字肆師一百五十字司尊彝六十六字司几筵八十字典瑞廿三字典命一百廿字典祀十八字守桃五十三字世婦七十字職喪九字大司樂一百字并標題十四字共八百五十一字其中文字曼滅者篆百有六真百廿五餘皆完好可讀以今本校之無一字不合篆文洎爲隸佐

爲左績爲繪皆合正體果爲裸昨爲醕依爲展裘爲縗則依正體不依經文通用字此其去取之得當者蹕當从歪藏當去艸說文無祧字當從故書作濯而書碑者皆不能知也至於侯禳之禳真从示而篆从禾攷鄭注小祝云禳郤凶咎則从示不从禾灼狀無疑楊南仲輩号精於小學何竟紕繆乃爾玉海引書目石經七十五卷楊南仲書周易十書十三詩二十春秋十二禮記二十獨不及周禮或是章友直張次立輩所篆不出南仲手耶據標題職喪以上爲卷五大司樂以下爲卷六知周禮當十二卷與唐石經同也黃叔敬中州金石攷言此碑今在陳留縣文廟凡二面每面六排各三十行上下不相屬一天官惟王建國至宮正徒四十人止凌人至掌舍府二人止九嬪至縫人女御八人止五日保庸至八日山澤之賦止凡邦之小治至小宰三日以叙作其事止六日廉辨至不用灋者止一春官大宗伯若王不與祭祀至小宗伯辨吉凶止牲繫于牢至類造止享裸用虎彘至加莞席紛純止共其玉器至典命凡諸侯之適子止司隸而役之至世婦有擗事于婦人止大司樂掌成均之灋至大合止予所收屢其一面耳

福州縣廣嚴院牒 嘉祐七年十二月

右福州縣廣嚴院牒首行題中書門下膝階州福州縣廣嚴院十三大字次行細書階州福州鎮弥陀院八字蓋本名弥陀院至是賜額廣嚴也而上云福州縣下云福州鎮名目不同初疑由鎮升縣及檢太平寰宇記則福州縣唐末已有之初非嘉祐所改此疑終不能釋又攷元豐九域志階州治福州縣縣有安化利亭石門角弓河口故城六鎮然後豁然省悟蓋碑所稱福

津鎮者卽九域志之故城鎮耳寰宇記魏大統五年於今縣東北置覆津縣屬武階郡隋廢武階郡縣屬武都郡自唐景福元年再置縣邠爲福字然則故城者西魏及唐初之縣若宋階州附郭之福津縣則景福所置蓋在故城西南縣與鎮判然兩地矣寰宇記于階州下又云唐武德元年置武州領將利建威復津盤堤四縣覆津卽復津當有一誤牒尾署銜者四人禮部侍郎參知政事趙者趙槩也禮部侍郎參知政事歐陽者歐陽修也吏部侍郎平章事曾者曾公亮也刑部尚書平章事韓者韓琦也

周茂叔題名

治平四年

右周茂叔題名在永州澹山巖其文云比部員外郎通判永州軍州事周敦頤治平四年二月一日公牋歸春陵鄉里展墓三

月十三日廻至澹山巖將家人輩游姪立男壽燾姪孫蕃侍凡七行五十四字宋史道學傳叙元公歷官頗詳獨不及通判永州得此可以補史之闕史容注山谷外集云濂溪二子壽字季老後改元翁於熙寧五年黃裳榜登第終司封員外郎燾字通老後改次元於元祐三年李常寧榜登第終徽猷閣待制本傳但云燾終寶文閣待制而不及壽官位亦爲漏略茲因題名而牽連及之

張琬題名

熙寧四年十月

右張琬題名十二行行七字左行其支云熙寧辛亥冬十月十日琬以受代密邇蒙致政祕監劉公几伯壽侍禁陳天錫伯祥藍山令董清臣眞甫登封縣尉魯君弼鄰右進士王哀口損之會飲天封觀和真庵劇談雅懽步月引退大理評事知登封縣

事張琬公玉燭下題按東坡集有次韻張琬詩施元之注云是時有兩張琬一韓城人父昇樞密使歸老嵩少元祐初琬自齊州倅求便養親兩易衛尉丞以才擢知秀州崇寧間爲廣東轉運副使移京東西路又一鄱陽人治平二年登第詩中有臨淮自古多名士之句臨淮乃泗邑疑自有一張琬而二人者皆非也愚謂治平登第之張琬據趙堯卿云字德父而此刻自署公王其爲韓城之張琬無疑矣但施氏述兩人歷官亦恐有誤攷韶州碧落洞有題名云權發遣轉運副使番陽張琬德甫游後題崇寧三年二月則崇寧任廣東轉運者實鄱陽人非韓城人也

程師孟等題名 熙寧

右程師孟等題名正書八行行三字文云程師孟金君卿李宗

儀許彥先同游藥洲熙寧甲寅上元日題在廣東學署之九曜石又一石亦題此四人姓名而不署年月皆予視學時晨夕摩挲而手拓其文者也以它碑參攷之師孟時以右諫議大夫知廣州充經略安撫使君卿以度支郎中爲轉運使宗儀以司封郎中提點刑獄兼提舉常平彥先以太子中舍爲轉運判官四人者唯師孟名列宋史循吏傳又吾吳人也當熙寧之世新法紛更流毒海內師孟列任方面不失循良之譽可謂難矣宋史旣入之循吏而列傳弟九十 卷復有專傳讀之終篇竟無異同當時刊修校對諸臣其失職如此柯維騏撰新編亦不能改正豈不貽笑千古也哉宗儀南康人檢泐溪石室題名知之

米黻五言絕句

熙寧八年十月

右米黻五言絕句在祁陽縣之浯溪後題米黻南官五年求便

養得長沙掾熙寧八年十月望經浯溪凡廿八字攷元章生於
皇祐辛卯至是纔二十五歲筆力縱勁已有顏平原風格故知
小技亦由天授也

勅祠南海廟記 熙寧甲寅

右勅祠南海廟記首稱熙寧皇帝而未題甲寅正月二十三日
蓋熙寧七年也程師孟以守臣主祭記文極其贊揚故碑末叙
銜不言初獻若亞獻終獻官姓名記文既未叙入故特書於結
銜之上此亦一例也陳之方文拖沓無法而字畫端重頗似顏
平原未知出何人之手碑在南海廟大門外翁氏記粵東金石
獨遺之潮陽令李南澗訪得喜甚搦兩本寄京師一以遺予一
以遺翁學士云

真身瑞像歷年記 元豐四年五月

右東京啟聖禪院真身瑞像歷年記不詳何人所撰元豐四年
長洲寶臨模刻其上為梅檀佛像今在蘇州府婁門內小園帝
廟胡生鼎衡為予搨得之隋書經籍志釋迦當周莊王之九年
四月八日自母右脇而生王簡栖頭陀寺碑文云周魯二莊親
昭夜景之鑒李善注魯莊公七年夜明佛生之日也又引史記
周桓王崩子莊王佗立左氏傳莊公三年葬桓王然則周莊王
魯莊公為同時予攷春秋桓十五年天王崩卽桓王也莊王嗣
位當於次年改元則魯莊公之七年實周莊王之十年隋志云
九年者或傳寫偶誤爾此記云佛誕於周昭王二十四年甲寅
則校春秋恒星不見之歲又先三百四十年與隋志及王碑皆
相矛盾據萬斯同紀元彙攷甲寅是昭王二十六年此云二十
四亦未合元程鉅夫梅檀佛像記稱像居西土一千二百八十

五年龜茲六十八年涼州一十四年長安一十七年江南一百七十二年淮南三百六十七年復至江南二十一年汴京一百七十六年此記則云佛涅槃一千三百零五年龜茲國住七十八年西涼一十四年長安一十七年江南一百九十二年廣陵三百五十七年從開寶乙亥歲到東京至嘉祐二年丁酉八十三年年數多寡互異又無復至江南之事

劉蒙等題名

元祐七年九月

右劉蒙等題名六行在永州朝陽巖其文云臨川劉蒙資明原武邢恕和叔河東安惇處厚元祐七年九月二十一日泛舟渡江同游朝陽巖此三人者惟蒙不見於宋史恕惇皆在姦臣之列恕本程門弟子爲溫公所知而險忮反覆遂與章蔡爲虎黨惇西蜀名士東坡送詩有舊書不厭百回讀熟讀淡思子自知

之句當亦矯矯自好者其後章惇與同文獄兩人甘心爲之鷹犬欲追廢宣仁誣元祐諸賢以惇逆可謂喪心病狂者矣惇一入樞府恕僅終侍從生前所得幾何乃令後人見其姓名詬罵不置小人之無忌憚可惡亦可悲也恕坐蔡確事責監永州酒史有明文惇傳但云哲宗初政罷爲利州路轉運判官歷夔州湖北江東三路不知何由至永當攷惇廣安軍人而自署河東蓋舉郡望而言恕自題原武而史作陽武恐是史誤

王定民題名

元祐三年

右王定民題名其文云元祐三年戊辰秋八月十有六日提點刑獄朝散郎張公綬拜宣聖孔子于石鼓之學遂登文會閣燕太守大□□公仲孫宣德郎衡陽令王定民檢法判官王詢新息主簿陳知元知元以是年自學徒登科羅公欲以榮激諸生

招口席未定民嘗兼教職口口焉既飲與賓客下合江亭謁韓伯留題案元祐三年禮部試蘇子瞻實知舉是科省元章援狀元李常寧知元蓋亦蘇公門下士矣新息主簿蓋其階官乃選人七資之最卑者熙豐間大興學校然諸路設教授者僅五十員荆湖南路僅潭州一員元祐初諸州相繼增教授而衡猶未預故定民得以縣令兼教職也文獻通考載崇寧詔諸州生員不及八十人罷置教授官以在州有科名官兼蒞學事則定民必有出身者

顏魯公新廟記

元祐七年

右顏魯公新廟記今在沂州府費縣顏公祠左承議郎尚書職方員外郎雲騎尉賜緋魚袋曹輔撰明州定海主簿祕書省校對黃本書籍秦觀書輔字子方華州人元祐中與蘇黃秦諸公

游而宋史無傳攷山谷年譜引實錄元祐三年九月太僕寺丞曹輔權發遣福建路轉運判官此碑稱尚書職方員外郎蓋由運判召入郎署而秦淮海集有送曹號州詩序云譙國曹子方自尚書郎出守又述子方之言云待罪司勳初無裨補是子方由職方又改司勳而出知號州也予又見粵西曾公巖有提點刑獄曹輔子方題名後題紹聖乙亥季秋是又由知州遷廣西提刑其後事則不可攷矣秦少游結銜稱定海主簿者選人階官非正授之職據續通鑑長編元祐六年六月以秦觀爲祕書省正字八月罷正字依舊校對黃本書籍故此碑仍稱主簿雖在館職猶未脫選籍也近秦氏輯淮海年譜以除正字繫之元祐四年證之石刻可決其誤揮塵錄元祐中重寫御前書籍又置校對黃本以館職資淺者爲之又置重修晉書局不久皆罷

去此職之罷大約在紹聖以後也

左中散大夫徐師閔墓誌 元祐八年十一月

右左中散大夫徐師閔墓誌宋世士大夫宦成之後多不歸故鄉閩人如南北章氏皆居吳中師閔建州建安人而居於蘇列吳中十老之一其葬在吳縣蒸山龍窩塢當時風俗皆然不以爲異也師閔父奭大中祥符五年進士第一官翰林學士師閔官亦不卑而史皆無傳有歌詩二十卷雜文十卷藝文志亦未載入蔣堂字希魯與師閔父同年故有同年丈人行之稱予初得此碑疑元祐四年寄祿官初分左右此碑署銜黃履稱左朝散大夫章衡稱左朝議大夫當矣師閔非進士出身何以得稱左蔣之奇官太中大夫何以不帶左右沈思積日夜卧不寐忽若有悟起檢琴川志引哲宗舊實錄云元祐四年十一月三省

言承務郎以上至朝請大夫欲分左右進士加左字餘官加右字從之中散大夫班在朝請之上固不在分左右之例矣王明清揮塵前錄言官制後惟光祿大夫及中散朝議三大夫分左右增磨勘而已初非以科第也今攷元豐改官制時光祿中散朝議三階元不分左右哲宗朝始分之碑云上卽位改中散大夫其時尚未分左右也後以子貴進左中散大夫蓋自右轉左不係有出身與否也太中大夫本無左右之分於是兩疑頓釋而章衡之左朝議亦由磨勘叙進與師閔同

唐太宗昭陵圖 紹聖元年

右唐太宗昭陵圖宋紹聖元年端午日武功游師雄景叔所刻肅宗建陵附見左方元和郡縣志昭陵在醴泉縣東北二十五里此圖云縣北至昭陵五十里蓋宋之醴泉非唐故城矣碑云

諸蕃君長貞觀中擒伏歸和者琢石肖形狀而刻其官名凡十四人今依其所列數之曰突厥頡利可汗左衛大將軍阿史那咄苾曰突厥利可汗左衛大將軍阿史那什鉢苾曰突厥乙沱泥孰俟利苾可汗右武衛大將軍阿史那祿尔曰薛延陀真珠毗伽可汗吐蕃贊普曰新羅樂浪郡王金真德曰吐谷渾河源郡王烏地拔曰勒豆可汗慕容諾曷鉢曰龜茲王訶黎布失布失畢于闐信曰焉耆王龍突騎支曰高昌王右武衛將軍麴智勇曰林邑王范頭利曰婆羅門帝那伏帝國王阿那順止十二人耳予以新舊唐書及文獻通攷再三推校乃知吐蕃與薛延陀本非一部而于闐信當爲于闐王伏闐信亦不當承龜茲之下析此二國恰合十四之數此又當據史以糾石刻之誤者也

祠山鐵像題字

右祠山鐵像題字甲寅歲瞿堦鏡濤游廣德州謁祠山廟拓其文見貽且言兩像甚鉅東西相對甬間左右若蔽膝者各二皆有文字一爲紹聖二年乙亥正月廟祝陳述明題一爲紹聖丁丑三月胡庶題皆有緣化急脚子李文安名丁丑者紹聖之四年蓋閱兩年有餘始歲事也字畫端整極有唐人法度但陽文隱起不如陰識之易拓耳周秉秀祠山事要載胡庶靈濟王碑云元豐元年春有詔取士庶將赴試國學而進止未決夜夢王語庶曰汝來年登第矣二年春果如其夢庶廣德人嘗爲南陵縣主簿碑立於元豐三年鑄像題字又在立碑後十八年也秉秀誤據湯景仁記以爲當在崇寧因譏編年之譌又謂不當添胡庶姓名然此像字畫分明秉秀何竟不一寓目而輒以臆斷耶

關山月關山雪詩 紹聖丙子

右關山月關山雪詩在隴州大佛寺題云成都宋構承之紹聖丙子歲按部過隴山偶題按宋史不立構傳而東坡集有送宋構朝散知彭州迎侍二親詩施元之注宋彭州名構紹聖間為金部員外郎是時都大提舉川茶事陸師閔移漕陝西謀代之者曾子宣李邦直僉曰宋某可遂使權都大管勾攷熙寧中設成都茶司其後改名都大提舉茶馬司凡市馬於蕃夷以茶易之此刻於紹聖間構雖管勾川茶而市易常於秦隴故有按部隴山之語

程閔中等題名 元符己卯

右程閔中等題名凡七行文云程閔中點青田常役廖君憲漕臺校試還攝永嘉管勾邂逅遊己卯閏月二十三日去年何夢華自青田石門山拓以見贈并貽書詢己卯係何年号予攷漕司校試起于宋時若今之鄉試此題當是宋刻南渡後避高宗嫌名易管勾為幹辦而此刻稱管勾則必北宋刻矣熙寧新法以後始重役法閔中差點常役其在元符二年乎是歲歲在己卯又閏九月與石刻正合

劉晦叔等題名 崇寧元年季春

右劉晦叔等題名行書五行文云崇寧元年季春十七日汝口劉晦叔東平畢公叔三封宋仙民莆陽蔡元長同來元長者京之字也攷宋史姦臣傳徽宗即位出知江寧頗快快不之官御史交論其惡奪職提舉洞霄宮居杭州童貫以供奉官留杭州累月京與游不舍晝夜附語言論奏至帝所由是帝屬意京起知定州崇寧元年徙大名府韓忠彥與曾布交惡謀引京自助

復用爲學士承旨此題名在盱眙縣之玻璃泉蓋由杭赴闕所經之地雖兩除大郡皆未到官而其月卽有承旨之命又兩月遂登政府矣姦回之進退乃宋祚存亡所關故攷而論之

太原府帖 崇寧二年九月

右太原府帖帖後列銜者八人權河東節度推官石權太原府觀察判官鄭宣義郎監在府稅務權節推張承事郎簽書河東節度判官廳事王朝散郎通判太原軍府事蔡朝奉大夫通判太原軍府事陳龍圖閣學士朝奉大夫知太原軍府事范皆書押而不名最後一行云皇兄河東山南西道節度使守太師開府儀同三司太原牧兼興原牧陳王蓋徽宗之兄必封申王者也宋時諸王外戚領節度使者皆不之鎮而府帖猶存其銜苟注在京字此一代典故見于石刻攷官制者所宜知也帖首一

行云太原府帖壽陽縣方山昭化禪院帖中載是年八月三省同奉聖旨摩騰賜号啟道圓通大法師法蘭賜号闡教揔持大法師傅大士賜号等空紹覺大士李長者賜号顯教妙嚴長者定應大師賜号定光圓應大師其婺州雙林寺并太原府壽陽縣方山昭化禪院西京白馬寺汀州武平縣南安巖均慶禪院今後每遇聖節各許進奉功德疏內雙林寺回賜度牒貳道餘參處各壹道今唯方山尙存此帖餘蔑有聞矣山南西道節度例兼興元尹皇子或稱牧此帖作興原牧未審其由

黃庭堅題名

右黃庭堅題名在涪溪東厓文云余與陶介石游涪溪尋元次山遺跡如中興頌岵臺銘右堂銘皆衆所共知也與介石裴回其下想慕其人實深千載尙友之心最後於唐亭東崖披翦榛

穢得次山銘刻數百字皆江華令瞿令問玉筋篆筆畫□□優
于崑臺銘也故書遺長老新公俾刻之□壁以遺後人山谷老
人書凡十有六行不題年月以山谷年譜攷之當在崇寧三年
三月蓋自鄂州赴宜州謫所道所經也介石名豫長老名伯新
黃芻撰年譜唯載磨崖碑後題名而不及此題故具錄之予曷
跋唐廡銘據說文謂廡與膏同訓小堂不當勿作亭字今山谷
題已作亭又陳衍題浯溪圖云元氏始命之意因水以爲浯溪
因山以爲崑臺作屋以爲唐亭三吾之稱我所自也歐陽公集
古錄亦作唐亭頃於何君元錫齋見所拓磨崖大字有云唐亭
磴道者有云唐亭銘者驗其筆蹤似唐人所題則讀廡爲亭沿
譌已久六書之不講豈獨近代爲然哉

元祐黨籍碑 崇寧三年

右元祐黨籍碑徽宗朝元有兩本崇寧元年九月己亥蔡京籍
文臣執政官文彥博等二十二入待制以上官蘇軾等三十五
人餘官秦觀等四十八人內臣張士良等八人武臣王獻可等
四人謂之姦黨請御書刻石于端禮門二年九月臣僚乞以御
書刊石端禮門姓名下外路州軍於監司長吏廳立石刊記從
之此初本也崇寧三年六月戊午詔重定元祐元符黨人及上
書邪等者合爲一籍通三百九人刻石朝堂文臣曾任宰臣執
政官司馬光等二十七人待制以上官蘇軾等四十九人餘官
秦觀等一百七十七人武臣張吳等二十五人內臣梁惟簡等
二十九人爲臣不忠曾任宰臣王珪章惇二人御書刊石置文
德殿門東壁又詔蔡京書頒之州縣令皆刻石此再刻本也崇
寧五年正月以星變除毀朝堂石刻如外處有姦黨石刻亦令

除毀而元刻無有存者今世所傳乃南宋人所翻三百九人之本一在靜江府有慶元戊午饒祖堯跋一在融州有嘉定辛未沈暉跋饒本字畫較大於諸臣身故者名下注一故字與沈本異沈本末一行爲臣不忠曾任宰臣王珪章惇兩人饒本有惇無珪饒本內臣有王化臣一人沈本無之袁公造饒本誤袁爲寃馮百藥沈本誤馮爲洪龔夫饒本誤作史饒本額元祐黨籍四字八分書沈本額元祐黨籍碑五字正書按崇寧詔書云三百九人以兩碑所列姓名數之皆闕其一當於饒本增入王珪一人沈本增王化臣一人乃得其實餘官內湯馘以下四十八人當移於衡鈞之前則兩本皆誤當依宋史新編正之嗟乎是非之心人皆有之也而姦臣欲以紹述之說奪之紹述爲孝則更改爲姦人主聽之亦若近理雖然忠孝者一家之私也是非

者萬世之公也文武之子孫以紹述爲孝幽厲之子孫亦可以紹述爲孝乎神宗所用之人所擬之法海內皆以爲非獨其臣子是之又以議論之不能勝而假威力以勝之而人心終不服也人主之權能行於一時不能行於萬世讀黨籍之碑崇寧君臣幾大快于心矣豈知人心所不服卽天心所不祐向以入此籍爲辱者後且以不得與此籍爲恥矣若夫曾布張商英楊畏之翻覆無特操者蔡京雖抑之而後世終不能揚之此又由于其人之能自立而非可僥倖以取名也予嘗讀新定續志知淳安縣學亦有元祐黨籍碑縣尉司馬逯所刊不審今尙存否

耀州靜應廟牒及妙應真人告詞

崇寧三年十月

右耀州靜應廟牒及妙應真人告詞同刻一石上層首行題尙書省牒耀州靜應廟後題崇寧二年八月二十一日其云右正

議大夫守右丞吳者居厚也云左銀青光祿大夫守左僕射而無姓者蔡京也下層首行云勅耀州華原縣孫真人勅後列銜者中書令闕中書侍郎臣趙挺之宣奉日中書舍人臣慕容彥逢行奉勅如右牒到奉行日侍中闕日尙書左僕射兼門下侍郎京日門下侍郎將日給事中時彥崇寧三年二月二十九日戊時日都事康繼隆受日左司員外郎方會付吏部日尙書令闕日尙書左僕射京日尙書右僕射闕日尙書左丞闕日尙書右丞居厚日吏部尙書執中日吏部侍郎洵仁告妙應真人奉勅如右符到奉行日主事李孝恭郎中祐令史李邁書令史張應三月五日下午蓋三省例由中書取旨門下錄黃而後尙書奉行其次弟如此中書省承旨之地故省官稱臣具姓名門下尙書兩省官有名無姓亦不稱臣都事主事令史等以卑故具姓

名此當時案牘之式非睹石刻不能知也許將何執中鄧洵仁史皆有傳攷宋時寄祿官分左右始於元祐四年而其中又有兩等自承務郎以上至朝請大夫皆進士爲左任子爲右此以流品分者也若朝議若中散若正議若光祿若銀青光祿亦分左右則以元豐官制遷轉太易故增其階級以便磨勘不係乎有出身與否也紹聖二年罷朝請大夫以下分左右而中散以上五階猶仍左右之名此碑左銀青光祿大夫蔡京右正議大夫吳居厚是也洎大觀二年始以奉直易右朝議中奉易左中散通奉易左正議正奉易右光祿宣奉易左光祿而右銀青光祿正爲光祿而盡去左右字終宋之世因之矣宰輔編年錄崇寧二年正月蔡京自右僕射授右光祿大夫尙書左僕射七月克復隍州除左銀青光祿大夫與碑正合吳居厚以是年四月

自戶部尚書除中大夫尚書右丞不知何時轉右正議大夫想亦以隍州之功例轉三官乎王恣書秀逸可喜而世罕知之者

富口榮題名 大觀二年六月

右富口榮題名文云大觀二年戊子六月十二日朝奉郎富口榮緣宗室財司事至青社因過石子澗來雲門山讀伯父文忠公慶歷八年題石今已六十一年感念徘徊向晚之昌樂凡五行正書在青州雲門山字畫完好唯名上一字曼患不可辨按富鄭公諸子第一字皆用紹字此君之名疑是紹榮也

先之等題名 政和壬辰季秋

右先之等題名二通一在龍隱巖一在曾公巖洞口皆李南澗官廣西日所贈先之李朴字也史稱其嘗為肇慶府四會令又為廣東安撫司主管機宜文字不知何時入粵西也二刻皆題

政和壬辰季秋實政和改元之二年

朝奉郎孫觀墓誌 政和六年十月

右朝奉郎孫觀墓誌朝奉郎行祕書省校書郎兼國史編脩編脩六典檢閱文字賜緋魚袋許翰撰并書承議郎祕書省著作郎編脩六典檢閱文字李敦義篆蓋觀字明之兗州泗水人其長孫傅字聖求以辭學兼茂高選為祕書省正字攷宋史列傳有孫傅字伯野海州人登進士第中詞學兼茂科兩人籍貫既異字亦不同而同時中詞學兼茂科究海亦相接壤未審其為一人與否也宋時宮觀名目略見於職官志皆熙寧所定之制至崇寧三年添宮觀十政和三年添宮觀三十雖見文獻通攷而未詳其名今據此碑有提點南康軍逍遙觀元祐黨籍碑跋有提點杭州集真觀而游酢嘗提點成都府長生觀楊時嘗提

點成都府國寧觀又提點均州明道觀此殆崇寧政和所添置者其銜稱提點殆下于提舉一等矣頃讀吳虎臣能改齋漫錄載政和八年五月戶部幹當公事李寬奏欲望凡以聖爲名字者並行禁止奉聖旨依乃知孫傅改字出於當時避忌實非兩人覲墓今在泰安則傳爲兗州人無疑也

武佑廟尚書省牒宣和三年六月

右武佑廟尚書省牒今在蕭山縣牒尾列銜者三人其云少保太宰不書姓者王黼也通議大夫守左丞張者張邦昌也中大夫守右丞王者王安中也最後小字一行云建炎二年正月朝奉郎知越州蕭山縣事賜緋魚袋曾志立石曾君南豐人文定公輩之孫見宋史忠義傳建炎三年金人陷越爲其帥所執不屈全家被害史但稱通判溫州須次于越而失書知蕭山縣今

以碑文參攷蓋由蕭山推升通判未及到官猶在越耳

少蘊等題名宣和癸卯四月

右少蘊等題名在長興縣丁氏邢佺山明府拓其文寄予字畫甚完好文云少蘊無言慧覺道人宣和癸卯四月辛亥同來凡三行十八字少蘊葉夢得也無言劉燾也高璉卞山志云予見異石于丁氏曰孔耳石高可四尺形如人耳色黑而水紋甚細鐫曰致虛無言夢得道人宣和癸卯渡江同來蓋葉石林故物也今此石尙無恙而題名與志異者六字乃知前人紀述之疏石林題名石上未必卽爲石林故物亦想當然耳

蘇過題名癸卯九月

右蘇過題名在定州天寧寺大殿壁間正書六行行九字文云大帥延康陳公邀廉訪梁公飯素天寧仍率其屬游企盛侷蘇

過王執中趙奇韓楫同來孫仲舉王昭明劉用之皆與癸卯九月七日過題其文左行宋時定州守臣例帶本路安撫使兼馬步軍都總管故有大帥之稱陳公蓋以延康殿學士知定州者其名則不可攷矣癸卯蓋徽宗宣和五年也叔黨書勁挺有家法而流傳絕少乾隆庚戌秋予以祝六事以賦前人跡遊之齋入都還過定州問天寧有叔黨石刻親往訪得之

此石在定州天寧寺... 叔黨書勁挺有家法而流傳絕少乾隆庚戌秋予以祝六事以賦前人跡遊之齋入都還過定州問天寧有叔黨石刻親往訪得之

潛研堂金石文跋尾續卷五

嘉定錢大昕

宋

似槩等題名 紹興五年閏二月

右似槩等題名在廣西省城之疊綵山益都李南澗官郡丞日搨以遺予似槩者李彌大字也攷宋史本傳彌大嘗知靜江府此刻蓋在守郡日也槩古矩字傳作似矩蓋从俗體此刻乃篆書故似槩兩文悉合於正可見無礙居士之精於小學矣

董令升題名 紹興乙卯

右董令升題名篆書十二行首云青社董令升罷官廣西還過零陵來遊淡山令升名弇徽猷閣待制道之子兩世皆有文學令升以不肖禁程氏學被黜亦南渡人士之卓卓可稱者而史不為立傳不知其在廣西居何職也未題紹興乙卯歲春三月

戊寅依篆體卽酉字而紹興紀號卅二年間不值乙酉歲當是紹興五年乙卯卽篆形相似摹刻時容有差譌爾攷李心傳繫年要錄紹興六年弁自起居舍人遷中書舍人兼權禮部侍郎七年正月以集英殿修撰知衢州五月改提舉江州太平觀閏十月轉衛獻閣待制九年知嚴州以殿中侍御史周葵論劾落職與宮觀廿二年復以徽猷閣待制提舉台州崇道觀尋落職廿六年以左中大夫知婺州卅二年提舉洪州玉隆觀引年告老詔復敷文閣待制復爲言者所論降集英殿修撰然則孝宗隆興乙酉在令升告老後三年無緣遠官嶺外此題名爲紹興五年可無疑也據繫年錄紹興五年閏二月有廣西提點刑獄事董弁名與碑稱罷官廣西相合故定以爲鐫刻之譌

汪藻題名 紹興戊午中春

右汪藻題名亦在顧渚山明月峽其文云龍圖閣直學士前知湖州□□汪藻新知無爲軍括蒼□□祖知長興縣安肅張琮前歙縣丞汝陰孟處義前監南嶽廟吳興劉唐稽紹興戊午中春來游右承務郎汪悟汪恪從行戊午者紹興八年也湖州府志題名汪藻紹興元年十一月到任四年九月移撫州宋史本傳於湖州貶秩停官之後亦有起知撫州語而後述紹興六年奉詔修書八年書成事似戊午歲不當在湖州又不云前知撫州而云湖州亦似可疑今按藻本以湖州未經寇亂公私文書完備故欲就州置局後雖有移撫州之命卽爲御史論罷仍留湖州及六年仍命復卒前業賜史館修撰餐錢聽辟僚屬其在湖州不問可知撫州旣未到任則宜稱前知湖州矣鮑延祖孟處義二人卽藻所辟屬官此刻括蒼下所脫必鮑延兩字也劉

唐稽字林宗樞密珏之子藻在翰林日嘗薦諸朝故並在同游之列汪悟汪恪卽藻之二子浮溪集有悟硯恪硯兩銘可證宋史本傳子六人有恬無悟蓋轉刻之譌當據石刻正之

向子諲題名 紹興八年十二月

右向子諲題名在虎邱石觀音殿壁間其文云子諲秋八月壬申到郡冬十月庚午乞還印綬章上屢却十二月癸丑詔許歸薊林乘泛宅艤虎邱而去紹興八年河內向子諲伯恭父題攷宋史本傳子諲以徽猷閣直學士知平江府金使議和將入境子諲不肖拜金詔乃上章言自古人主屈已和戎未聞甚於此時宜御勿受忤秦檜意遂致仕正其時也樓大防薊林居士文集序云建炎初元罷六路清明年歸臨江紹興八年起知平江力辭不克次年三月復歸自是不出優游十五年以壽終據石

刻是年十二月已去郡其歸薊林當在次年矣序又云公卜居臨江多植巖桂又素慕香山自號曰薊林有船曰泛宅高宗親書四大字及企疏堂以寵其歸此紹興壬子歲事故述懷詩云我與淵明同甲子歸休已恨七年遲其時薊林年四十有八至是再歸行年五十有四矣子諲敏中之元孫史於敏中傳稱開封人子諲傳稱臨江人此題河內者舉族望言之猶蘇子瞻世居眉州而自署趙郡也

連南夫等題名 紹興九年二月

右連南夫等題名凡七行刻於九曜石文云紹興九年歲在己未二月初吉藥洲春水新漲小舟初成連南天鵬舉口正明甫周利見公遇王勳上達晁公邁伯咎載酒同游以廣東通志攷之南夫嘗官廣東轉運使後知廣州利見官轉運判官公邁官

提舉常平餘二人不可知矣直齋書錄解題有連寶學奏議二卷寶文閣學士安陸連南夫鵬舉撰紹興初知饒州扞禦有功及和議成南夫知泉州上表曰不信亦信其然豈然又曰雖虞舜之十二州昔皆吾有然商於之六百里當念爾欺由是得罪則南夫乃鯁直之士也公邁詠之子所著歷代紀年十卷今猶有傳本又號傳密居士見直齋書錄利見官左朝請郎贈金紫光祿大夫卽益公必大之世父見渭南文集

高宗御書石經紹興十三年九月

右高宗御書石經王應麟玉海紹興十三年二月內出御書左氏春秋及史記列傳於秘書省宣示館職是年六月內出御書周易九月四日御書尚書終篇刊石頒諸州學十四年正月出御書尚書十月出御書毛詩十六年五月又出御書春秋左傳

皆祕省宣示館職觀畢進詩上又書論語孟子皆刊石立于太學首善閣及大成殿後三禮堂之廊廡今杭州府學卽宋太學之舊石刻諸經散佚不完僅存易二書六詩十春秋四十中庸一論語七孟子十一凡七十有七石每石分四層刻之毛詩論語卷末皆有紹興癸亥歲九月甲子尚書左僕射同中書門下平章事兼樞密使秦檜題記思陵小楷結體整秀有晉人法論孟字體較大而勢稍縱逸結體在真行之間其中避諱缺筆如殷爲殷恒爲恒又爲恒貞爲貞敬爲敬佶爲仕之類皆不改字論語欽事而信溫良恭儉遜商因於夏禮得見有常者孟子無辭遜之心措克在位則有責用下欽上則并改字矣然如言不篤敬事君敬其事之類仍不盡改蓋一時隨筆所作無義例也經文大率與今本同唯詩鴟鴞予尾脩脩竹竿遠兄弟父母園

有桃不我知者謂我士也驕不我知者謂我士也罔極左傳焉
用亡鄭以陪隣不闕秦焉取之少齊有寵而死武王有亂十人
皆與開成刻同勝於它本孟子無唐以前石刻此碑文王事混
夷有小民之事亦較今本爲善

張浚列秀亭題名

紹興十七年

右張浚列秀亭題名文云張浚紹興丙寅秋被命謫居陽山姪
杆男棡侍行重陽口口抵郡境授館濯纓堂因晴夕必登列秀
亭周覽風物少釋懷親之思眉山史堯弼自星沙偕來表弟臨
印計孝偁以秦國意繼至省問丁卯寒食日題秦國者魏公之
母計氏封號也魏公謫居連州甚久唯此刻與紹興己巳清明
前一日游燕喜亭題名尚無恙耳張杆字介仲嘗知廣德軍刻
史記于郡齋

王光祖題名

乾道八年十月

右王光祖題名文云乾道八年冬十月二十有五日知衡陽縣
唯陽王光祖仲顯適攝郡事燕新進士王居仁鄧友龍友口于
石鼓州學是年三人皆自郡庠登科用以榮激諸生教授建安
虞口司戶廬陵口景先學正劉渥學錄董正之預焉酒半下合
江亭游西谿觀石門元祐三年王公定民留題適與今日相符
云云按范至能合江亭詩序云合江亭卽石鼓書院今爲衡州
學宮韓文公所謂潔淨不可唾者卽此處故碑有石鼓州學之
稱也范集中與王仲顯唱和之作甚多其題仲顯讀書樓詩云
使君青箱家文史裝懷抱平生名教樂雙旌不滿笑忽乘雪溪
輿來檣秦淮棹邱亭客漂泊夜夜短檠照人云大癡絕我自斲
輪妙今朝檣竿起昨夢繞閣阜云有百尺樓歸寄北窗傲滴露

緇朱黃拂塵靜緇縹意仲顯家於江西者歟此與元祐王定民
兩刻皆在衡陽縣石鼓山之西谿儀徵江于九令清泉爲予拓
致之

靳忠武王韓世忠碑

淳熙

右靳忠武王韓世忠碑在吳縣靈巖山之麓予少時偕王琴德
吳企晉曹來殷輩爲上沙之游屢摩挲焉歸田後從吏有力者
拓其文輒以架木懸梯爲難頃陽城張古餘攝守吳郡與予同
嗜募工搨十餘紙分其一見贈懸置壁間數十年訪求之勤藉
一慰亦晚年快事也其額云中興佐命定國元勳之碑下題選
德殿書蓋孝宗御筆碑文首尾萬餘言則禮部尚書趙雄奉勅
撰石刻頗有曼忠以杜大圭名臣碑傳所錄全文細校無甚異
同碑云娶白氏秦國夫人梁氏揚國夫人茆氏秦國夫人其下

空六字以名臣碑傳校之則周氏靳國夫人也朱錫鬯詩靳王
墓近古梧宮暨六夫人祔葬同與碑不合未識何據潘次耕詩
碑高三丈字如掌帝製鴻文盛褒獎則誤仞碑文爲御製失之
甚矣碑云紹興二十一年八月四日薨享年六十有三與宋史
同而元大一統志延安人物傳云紹興十七年卒年六十二蓋
修志之時宋史未出志家得諸傳聞故多誤耳碑末未見建立
年月而碑首云上纘祚之十五年攷孝宗受禪在紹興壬午次
年癸未改元隆興至淳熙四年丁酉恰十有五年此碑必立於
丁酉歲也

范至能題名

淳熙戊午孟冬

右范至能題名在包山陽谷洞石壁予以丁酉秋游林屋訪得
之未及推搨嘉慶丁巳十一月再游始命工搨其文凡五行行

七字云范至先至能張元直同游林屋洞天至先之子戴及現
壽二長老俱淳熙戊戌孟冬朔攷宋史宰輔表淳熙五年戊戌
四月丙寅范成大自禮部尚書兼直學士院遷中大夫除參知
政事六月甲戌范成大罷參政以資政殿學士知婺州本傳但
云拜參知政事兩月爲言者所論奉祠不及知婺州事蓋婺州
之命雖下未到任而卽奉祠也此刻題孟冬朔正石湖奉祠里
居時以水月洞銘較之筆蹤相似其爲石湖書無疑至先名成
象紹興五年汪應辰榜進士官工部郎中石湖之從兄也玉峯
志以爲石湖弟殊誤石湖詩集卷廿六有再贈壽老詩云澹齋
寂寞澹庵空玉柱金庭一夢中我病君衰猶見在莫嫌俱作白
頭翁自注頃與澹齋兄游洞庭林屋并澹庵現老眉庵壽老偕
今年十年矣壽老見過話舊事二澹已爲古人正紀戊戌題名事

澹齋卽至先也

史彌大等題名

淳熙辛丑季秋

右史彌大等題名文云四明史彌大方叔山陰賀錫叔况淳熙
辛丑季秋廿有六日以迓客同來凡四行八分書在盱眙縣之
第一山蓋自乾道與金通和以後兩國交聘必取道盱眙凡宋
臣使北及接伴北使而至者皆題名厓石開此其一也孝宗以
十月廿二日生號會慶節此所迓者蓋賀生辰使以金史交聘
表攷之則宗室胡什賚鄧儼也彌大浩之長子乾道五年進士
官至禮部侍郎

黃由等題名

紹熙辛亥

右黃由等題名四行文云黃由張宗益以使事同來憑高望遠
爲之慨然紹熙辛亥冬至前一日按宋史光宗紀紹熙二年九

月遣黃申等使金賀正旦金史交聘表明昌三年正月乙巳朔
宋煥章閣學士黃申明州觀察使張宗益賀正旦卽是此事但
宋史紀差遣之日金史紀入賀之日故年月各殊耳黃由字子
由蘇州人淳熙八年進士第一人及第官至寶謨閣學士刑部
尚書直學士院兩史皆譌由爲申當據石刻正之

勅靈濟五龍侯封爵告詞

紹熙四年五月

右勅靈濟五龍侯封爵告詞凡五篇分五層刻之五侯之號曰
東靈侯西誠侯中應侯南平侯北寧侯其告詞則一字不易也
五龍皆封侯爵而告詞首稱第壹位龍王等蓋龍王者世俗相
尊之稱當以出於朝命爲尊以王封侯義無所嫌宋時禮官猶
知大體如此

御書通神庵三字

慶元三年九月

右通神庵三字孝宗御書後題賜通神先生鈴以御書之寶而
不署年月其下方有通神先生蓑衣何真人事實一篇承直郎
胡襄撰以宋史方技傳校之無甚異同而史較詳史文蓑作莎
莎蓑同音而義別莎艸不聞可製衣也碑云慶元三年五月二
十二日夜端坐解化史云慶元六年卒者誤碑云是歲九月十
一日葬於長洲縣金鵝鄉里燕塘之原今俗傳庵中像爲真身
亦妄也甲寅六月與段若膺袁又愷戈小蓮瞿鏡濤及羽士袁
月渚閱道藏於圓妙觀月渚導子往觀此石搨其文見詒因題
識而弄之

張釜等題名

慶元丙辰季冬

右張釜等題名在盱眙縣第一山其文云丹陽張釜開封耿與
義被命肅客末題慶元丙辰冬季四日蓋以接伴金國賀正旦

使而至也金以慶元元年乙卯知廣州次年春猶在粵而其冬已有接伴使臣之命則被召卽在是年但未審此時任何職耳慶元丙辰卽金承安元年所肅客爲完顏崇道其副使則無可攷矣

萬壽山修觀音祠記 慶元五年六月

右萬壽山修觀音祠記末題承議郎宜差通判階州軍州兼管內勸農營田事賜緋魚袋劉震書并篆蓋古者墓有兩石一書誌銘一書某官某府君墓覆於誌石之上故有篆蓋之稱若宋游師雄墓誌全用碑式其篆卽刻于額而尚沿篆蓋之名已失其義此祠記當稱篆額而亦云篆蓋此古聖所譏觚不觚者也宜差者帥臣便宜差遣未奉朝命之稱予向讀景定建康志卷首題承直郎宜差充江南東路安撫使司幹辦公事周應合修

纂或疑爲宜差之譌予細檢志中或稱宜差或稱宜特改差者不一而足則當時必有是銜今讀此碑亦有宜差之稱字畫分明可證其非誤矣碑在階州金石家未有著錄者今長興宰邢君佺山搨以貽予甘肅少南宋刻而震書法頗似唐人尤難得也

修長洲縣主簿廳記 慶元六年三月

右修長洲縣主簿廳記長樂黃士特文山陰孫應時書浚儀盧瑢隸額攷宋史藝文志孫應時有燭湖集十卷今集已不傳王厚齋困學紀聞載其讀通鑑詩二絕云爲朱文公所稱不知其行楷整逸尤可喜也記文云主簿廳在縣治少西宋時縣治在州治東北今州縣治皆遷徙此碑不知何時移置長洲縣學瞿堦鏡濤搨一本矚予文尙完好唯黃君名上一字漫漶據府志

補之士特字仲誼見嘉泰元年靜江府隱山題名宋時福州人
每自稱三山或稱長樂故彼云三山此云長樂也

虞泉銘

嘉定庚午七月

右虞泉銘莆田方信孺撰劉後村爲信孺行狀稱公爲文未嘗
起艸初若不入思細視皆平夷妥帖無斧鑿痕今觀此銘良然
真孺當是信孺昆弟八分書亦有法而書史不載其名

詩境二字

嘉定辛未九月

右詩境二大字陸放翁爲方信孺作也書於開禧丁卯三月翁
年已八十有三而腕力猶健不減少壯時又四年爲嘉定辛未
信孺守韶州乃摸而刻之翁已不及見矣宋史陸游傳云嘉定
二年卒年八十五陳氏書錄解題則云嘉定庚午年八十六而
終今攷劔南續藁最後一篇云嘉定三年正月後不知更醉幾

春風則是庚午正月放翁尚无恙伯玉所言蓋得其實信孺字
孚若莆田人朝請大夫京西轉運判官崧卿之子崧卿撰韓文
舉正朱文公攷異實取之宋史不見其名於信孺傳亦闕漏也

提舉常平司公據

寶慶元年八月

右提舉常平司公據在蘇州府雙塔寺前提舉常平司五字後
右今出給公據付雙塔寺仰收執照寶慶元年六月日給廿二
字字皆大最後一行使字更大下有押而不署姓蓋當時公牘
之式如此宋時平江府爲兩浙西路提舉治所則此爲浙西提
舉司之公據也寺在宋爲壽寧萬歲禪院提舉司建祝聖道場
于此向例每日納官醋錢壹伯肆拾文是歲知事僧德齊狀乞
照萬壽承天開元永定四處體例蠲免而提舉司給與公據俾
爲異日左驗給據在是年六月又兩閱月而刻于石最下一層

則住山僧師哲跋也酒醋民間日用所需而宋元禁百姓私造
官取其息卽一寺計之每歲合輸數萬錢則人戶之抑配可知
今郡城有醋坊橋有醋庫巷猶沿宋名知醋之累民甚矣宋時
唯御史稱臺而寺僧狀稱提舉爲使臺蓋里俗相沿之詞如轉
運曰漕臺提刑曰憲臺提舉名倉臺此類見于牋啟者不能悉
數也

梅影庵記

紹定二年十二月

右梅影庵記紹定初道人陳一如所建四明樓治書梅隱二字
榜之新慶元府鄞縣主簿范元衡爲記新知江州德化縣趙緜
書宗學諭方萬里篆其額却自稱題蓋攷唐人誌墓用兩石相
覆一書誌文一大書某官某君墓誌故不云額而云蓋其云題
額題蓋則別于篆而言之此記與額無二石又作小篆體而襲

題蓋之名兩失之矣昔黃山谷言庵字當从艸以从广爲俗體
此篆額菴从艸蓋依山谷說予謂庵菴兩字說文皆無之菴間
雖見相如賦本是奄字後人增加艸旁已非相如之舊釋名云
艸圓屋爲蒲又謂之庵廣雅云庵舍也是庵字漢人已有之吾
未見菴古而庵俗也如依說文正當作奄或取屋舍義則當爲
閭或通作陰耳影亦葛洪字苑所收俗字萬里淺人固未可與
言六書之正矣蘇州府志不載梅影菴未知遺址所在獨此碑
嵌瑞光寺大殿壁間前人亦無著錄者趙緜嘉泰二年進士方
萬里嘉定二年進士並見吳郡志

袁肅簡華老詩

紹定五年二月

右袁肅簡華老二詩華老者雙塔住持僧普華也石刻今在寺
中篆額兩行文云提舉祕丞郎中袁公詞翰碑分三層上兩層

分刻兩詩下一層則普華跋也前詩在華老未至之時佛慧當是華老師故兼簡之欲促其行耳後詩則華已到雙塔矣吳郡志提舉題名止于寶慶故不及肅名宋史亦無肅傳攷中興館閣續錄知爲鄞縣人也

理宗賜杜範勅

嘉熙三年七月

右理宗賜杜範勅凡七行首行勅字上鈐書詔之寶後題二十
六日不署年月末行一勅字極大又有勅杜範三字亦鈐書詔
之寶外周有長方界似是封皮也下方有杜範跋後題嘉熙三
年七月日朝奉郎右文殿修其下皆闕唯存拜手稽首謹書六
字以本傳攷之云嘉熙二年差知寧國府明年至郡四年還朝
則嘉熙三年正範在郡日也宋時差遣以帶職爲榮故史於寄
祿官多不書範官朝奉郎固可不載其除右文殿修撰亦不書

則史之闕漏矣勅文云肆命相臣肇開督府聯合吳蜀表裏江
淮謂史嵩之以右丞相督視兩淮四川京湖軍馬兼督江西湖
南軍馬也碑在寧國府署前宣城張惺齋搨以遺予

黃朴題名

嘉熙庚子孟秋

右黃朴題名正書七行在廣東提學署後圃九曜石上其文云
嘉熙庚子孟秋長樂黃朴成甫約同郡唐璘伯玉莆田劉克莊
潛夫泛舟仙湖予嘗讀後村集譜其歷任歲月蓋嘉熙元年丁
酉由侍右郎官免歸主管成都玉局觀二年戊戌除知袁州三
年己亥改主管華州雲臺觀其九月除提舉江西常平以從弟
嫌辭十月改除廣東提舉四年庚子春到廣東任又權郡事其
秋遷廣東漕明年辛丑改元淳祐其秋以言者論列改提舉建
康府崇禧觀此刻題庚子孟秋蓋在提舉任尙未得遷運判之

命黃唐兩君當是同官於粵者惜乎志乘未之載也是歲後村
年五十有四

經筵薦士章藁 淳祐元年七月刻

右經筵薦士章藁熙寧中樞密直學士尚書右司郎中兼侍讀
陳襄上進所薦者端明殿學士右諫議大夫集賢院修撰提舉
西京嵩山崇福宮司馬光端明殿學士翰林侍讀學士尚書吏
部郎中知許州韓維翰林侍讀學士寶文閣學士尚書戶部侍
郎提舉西京嵩山崇福宮呂公著祕書監集賢院學士知杭州
蘇頌右司諫直集賢院孫覺尚書祠部員外郎祕閣校理知齊
州李常尚書兵部員外郎直集賢院知和州范純仁尚書祠部
員外郎直史館權知河中府蘇軾尚書祠部員外郎集賢校理
權知洪州曾鞏尚書祠部員外郎集賢校理同修起居注孫洙

祕書丞集賢校理史館檢討王存太子中允館閣校勘判武學
顧臨祕書省著作佐郎集賢校理知太常禮院林希太子中允
館閣校勘簽書應天府判官廳公事劉摯太常博士崇文院校
書句當宗正丞公事虞太熙太子中允監西京洛河抽稅竹木
務程顥太子中允權發遣淮南西路轉運判官公事劉載殿中
丞新差充秦鳳熙河路措置邊事司句當公事兼催督軍須薛
昌朝祕書省著作佐郎前崇文院校書張載權興國軍節度掌
書記見磨勘蘇轍前台州司戶參軍召試館閣孔文仲新差歙
州軍事推官吳賁前潤州延陵縣令吳恕尚書屯田郎中知開
封府太康縣事林英尚書都官員外郎監泗州河南轉般倉孫
奕祕書省著作佐郎監揚州糧料院林旦太常博士新差監衡
州在城鹽倉鄒何尚書右司郎中分司南京李師中尚書兵部

員外郎傅堯俞太常博士新差河東路提點刑獄公事胡宗愈前祕書省著作佐郎王安國太子中允降授大理評事唐炯前光州司法參軍監安上門英州安置勒停鄭俠凡三十有三人李心傳繫年要錄紹興元年十一月壬子手詔內外侍從各舉所知三人限五日以聞舉得其人當受上賞毋以先得罪於朝廷及蔡京王黼門人爲嫌先是上得陳襄薦司馬光等三十三人奏章大善之故有是詔宋史藝文志所載紹興求賢手詔一卷卽此也此碑上層有紹興手詔中二層爲襄薦藁末一層則襄五世從孫塏跋也塏在淳祐元年以直龍圖閣提點浙西刑獄因刻石於平江憲治不知何時移置府學予嘗讀牟獻之集言古靈薦草皆親筆塗改勾注其旁蓋此藁真迹獻之猶親見之今久不存卽此碑近在吳中亦無過而問者甚矣好古之難得也

得也

李良等題名 淳祐丁未

右李良等題名在杭州之天竺山其文云淳祐丁未立秋二日天台李良夏紹基武夷翁孟寅金華何子舉嘉禾葉隆禮宛陵吳來遊喜兩凡十行隆禮卽撰契丹國志者而宋史不見其名爵里遂無攷讀此刻知爲嘉興人檢嘉興志隆禮淳祐七年進士則丁未正隆禮登第之歲也是歲六月癸巳賜進士張淵微等五百二十七人及第出身淵微等以闕雨請免瓊林賜宴故此題有喜兩之語李良諸人殆皆新進士與隆禮爲同年生歟

蔡杭題名 淳祐辛亥仲春

右蔡杭題名十一行文云蔡杭自江左移憲浙東便道過家泛

舟九曲積雨新霽山川呈秀哦咏而歸同游者謝元龍藍簡子
蔡勳吳載詹復子公亮侍時淳祐辛亥仲春誌按宋史列傳有
兩蔡抗此則西山先生之孫官參政謚文肅者也予細審此刻
抗字从木旁與東都蔡抗从手旁者不同攷癸辛雜識兩載杭
事一从木旁一作杭卽杭之譌與石刻正合又其兄模名亦從
木旁則宋史作抗者爲誤本傳云官江東提點刑獄加直祕閣
特授尚書司封員外郎進直寶章閣尋加寶謨閣移浙東此刻
亦云自江左移憲浙東似相符合但南宋時諸曹郎皆爲職事
官外任未有兼帶者杭何以特授司封之職殊不可曉仲節家
於建陽非自江赴浙經山之路而云便道者宋制外任差除有
云填見闕者例當疾速之任有云替某人成資闕者前任資歷
未滿交代之期尚遠不妨便道過家也浙東提刑司置于紹興

府攷會稽續志抗以江東提刑除浙東提刑淳祐十一年五月
到任卽辛亥歲也仲春過家仲夏到任先後正合

四明程振父等題名

淳祐辛亥春分

右四明程振父等題名在虎邱試劍石之右其文云淳祐辛亥
春分四明程振父天台趙必巽方甫眉山蘇囿同以東餉檄委
在吳直暇載酒來游此山甫弟來侍子弱冠時卽摩挲此石未
審東餉之語頃乃知東餉卽淮東總領司總領專司屯駐御前
軍錢糧故有餉名淮東淮西各置總司故稱東餉但不識其時
淮東總領爲何人耳

帶御器械張墳壙刻

右帶御器械張墳壙刻墳字伯和世居會稽之蕭山其妻長興
縣主爲榮文恭王之妹卽理宗姑也初授承信郎紹定六年從

銓曹注寧國府監稅端平六年召除閤門看班祇候轉承節郎
嘉熙三年二月丐外特添差揚州兵馬鈐轄仍釐務帶行閤門
祇候淳祐元年九月差兩浙東路兵馬鈐轄衢州駐劄帶閤職
如故二年轉保義郎六年四月差兩浙西路馬步軍副總管臨
安府駐劄待次十一月詔入爲帶御器械兼幹辦皇城司七年
十二月轉成忠八年二月轉忠翊十二月御帶因任十年十月
轉忠訓十一年十二月以皇城親從陞諸班直汾賞起轉修武
十二年八月屬疾乞掛衣冠上不允轉訓武主管佑神觀疏再
上轉武翼郎致仕終于寢得年六十有九以癸丑歲十一月甲
申合葬於邑之夏孝鄉越王山之原碑末題孤哀子萊孫稱孫
識從事郎資善堂檢閱劉仰祖填諱南宋墓誌存于今者罕矣
此刻獨完好悲其爲穆陵至戚而名不登于史冊又可藉以攷

見武臣遷轉之法故具錄之

太學土地封勅告

寶祐四年九月

右太學土地封勅告二通一淳祐六年五月封正顯昭德文忠
侯其云右丞相侶者游侶也知樞密院事兼參知政事蔡者趙
葵也同簽書樞密院事兼權參知政事韡者陳韡也一寶祐四
年八月封正顯昭德文忠英濟侯其云右丞相元鳳者程元鳳
也參知政事似道者賈似道也參知政事抗者蔡抗也前載勅
詞次列宰執及給事中中書舍人銜次書某月某日某時都事
某受左司某付吏部次再列宰執及吏部尙書侍郎銜不著姓
名次大書告某封號奉勅如右符到奉行鈐以尙書吏部之印
次列主事令史書令史姓名次書某年某月某日下蓋當時文
書之式如此宋自元豐以後臣僚除官勅出於尙書省付舍人

院撰詞經門下錄黃付吏部乃書告行下觀此刻知諸神加封
亦然矣南渡太學土地相傳以爲岳忠武飛蓋紹興時以忠武
故宅改建

賜忠顯廟牒 景定元年八月

右勅賜忠顯廟牒牒尾署少師右丞相衛國公者賈似道也知
樞密院事兼參知政事朱者朱熠也簽書樞密院事兼權參知
政事皮者皮龍榮也咸淳臨安志稱紹興十二年詔禮部討論
太學養士法仍令臨安府權於府學措置增廣十三年六月臨
安守臣王喚卽岳飛宅建學成詔禮部侍郎直學士院王嘗爲
記此碑引國史紹興三十二年以岳飛宅爲太學與臨安志紀
年互異未審誰得其實志又云太學后土神廟在學之東南隅
端平二年爵通侯賜廟額淳祐六年再加封贊書有云相傳中

興名將英靈未泯胥蠻甚著蓋其故居自是遂明指神爲岳忠

武王景定二年從監學之請超封王爵卽其舊謚易武爲文仍

改廟額曰忠顯神之父母妻子下逮將佐皆有命秩今以此碑

攷之知當時封神父和顯慶侯母姚氏

元闕兩字

夫人妻李氏德正

夫人子雲繼忠侯雷紹忠侯霖續忠侯震緝忠侯霆續忠侯子

婦五人相德介德助德翊德贊德夫人將佐張憲烈文侯徐慶

昌文侯黃先煥文侯牛皐顯文侯李寶崇文侯王貴尙文侯而

神號由八字侯超封二字王也

閣門寄班祇候洪公墓碣

右閣門寄班祇候洪公墓碣在嘉定縣西北鄉朱魏土地廟文
已磨滅不可識唯額題宋故閣門寄班祇候洪公之墓十二字
正書尙完好攷宋史職官志東西上閣門篇有祇候十有二人

又增置看班祇候六人無所謂寄班者而入內內侍省篇有云
嘉定初詔內侍省陳乞恩例親屬充寄班祇候以十年為限似
南渡後乃有寄班之名後讀續通鑑長編天禧四年四月丁酉
詔寄班祇候自今準三班使臣所定年限考課又檢宋史石普
傳十歲給事即中以謹信見親補寄班祇候劉文質傳以左班
殿直遷西頭供奉官寄班祇候張昭遠傳擢左班殿直寄班祇
候乃知真仁兩朝已有寄班祇候職官志漏而不書耳

建康府驪

右建康府藝嘉慶庚申瞿生鏡濤於鄉試號舍壁間得之古駝
文多隱起此獨深刻書法道美頗似思陵御筆非尋常博埴工
所及也此駝不題年月又無匠役姓名攷景定建康志建炎三
年四月上如建康詔改江寧為建康府則為南宋刻無疑

潛研堂金石文跋尾續第六

嘉定錢大昕

金

都統經畧郎君行記

天會十二年仲冬月

右都統經畧郎君行記前為女直字而後以漢字釋之文稱皇
弟都統經畧郎君而不署名金石家或以宗輔當之然宗輔乃
太祖之子太宗之姪碑刻於太宗時不當稱皇弟也或以撻懶
當之攷金史紀傳其時撻懶又不在陝西予謂此郎君蓋撒离
喝也撒离喝本金之宗室又為世祖養子則與太宗為昆弟行
宜有皇弟之稱李心傳建炎以來繫年要錄云紹興元年即金
天會九月十月宗弼為吳玠所敗自河東還燕山左副元帥宗維即粘
罕也宗翰金史作畧宗弼在軍中更以副統撒离喝與喝為陝西經畧使
此云都統經畧正與繫年錄合蓋由副統遷都統也繫年錄又

云婁宿引兵來犯吳玠擊敗之撒离曷懼而泣金人因目為啼
哭郎君是撒离曷本有郎君之稱矣金史本傳不載除都統經
畧使殊為闕漏當依繫年錄及石刻補之撒离曷今譯改為薩
里干云

靈峯院千佛洞碑 皇統三年七月

右靈峯院千佛洞碑洞在八溝北三百八十里其山曰遮蓋入
山十里許有洞土人名為大碾子洞高丈有二尺廣丈有八尺
中刻如來像旁侍阿難迦葉二尊者循洞入少折而西路漸窄
高廣不盈丈又折而東亦如之洞內兩旁石厓俱鑿成佛像碑
立於洞門外其文云遼乾統三年西山院天台法師鑿山穿石
前以成殿後以環洞名曰靈峯院後遭兵火寺如懸磬皇統辛
酉歲僧惠學等請中京資聖院遵悅嗣興之遠近居民各發一

念願心匠成千佛石像蓋石像遼天台法師所開洞中千佛則
金皇統中僧遵悅成之也遼金以中京為都會其俗又好佞佛
故石像在在有之此碑長興縣鄉貢進士杜彥臣所作文云茲
縣之東南有山曰遮蓋知其地於金時屬長興也元中統二年
省長興入大定縣

宜州廳峪道院復建藏經千人邑碑 皇統八年七月

右宜州廳峪道院復建藏經千人邑碑宜州即今錦州府之義
州也金史地理志義州崇義軍遼宜州天德三年改州名碑立
於皇統八年皇統在天德之前故尚沿遼舊名也道院久廢唯
石佛大小數軀尚存其地名臺頭溝在三座塔東北百九十里
蓋昔為義州西境今改屬直隸承德府之朝陽縣也碑云廳峪
者耶律詳穩之墳所詳穩遼之官稱不著其名今其墳亦莫知

所在矣

臨潼縣九陽鐘銘

大定二十一年四月

右臨潼縣九陽鐘銘縣令柴震所作淺陋無足觀周遭刻官吏及助緣人姓名殆徧其最貴者曰宣差朝散大夫尚書戶部郎中規措銅冶鑄錢所張曰宣差中大夫尚書吏部員外郎規措銅冶鑄錢所麻曰龍虎衛上將軍陝西路統軍使兼京兆尹本路兵馬都總管夾谷清臣曰陝西路統軍都監曰定遠大將軍同知府尹兵馬都總管李口曰昭毅大將軍府少尹兵馬副都總管段成功曰昭毅大將軍統軍判官耶律一里哥其餘不能悉數矣攻金史倉貨志大定十二年正月以銅少命尚書省遣使諸路規措銅貨能指坑冶得實者賞十八年代州立監鑄錢命震武軍節度使李天吉知保德軍事高季孫往監之而所鑄

瑛駁黑澁不可用詔削天吉季孫官落職更命工部郎中張大節吏部員外郎麻珪監鑄卽此鐘所列張麻二人也史稱大節工部郎中此刻云吏部者蓋由工部轉吏部耳

馬丹陽滿庭芳及歸山操

大定戊申孟冬

右馬丹陽滿庭芳詞及歸山操詞前題唐括夫人索滿庭芳下云鈺稽首上蓋丹陽自書以遺靈源者歸山操則丘長春所書公主得其本亦以寄靈源兩篇各爲一碑皆有東平吳似之跋年月結銜相同後題皇女宿國公主昭勇大將軍尚衣局使兼近待局使上輕車都尉彭城郡開國伯食邑七百戶駙馬都尉唐括元義立石亦兩碑相同前跋云靈源姑唐括氏申國太夫人之女大丞相文正公之妹後跋云駙馬唐括昭勇相國文正公之的嗣靈源姑之兄子按金史唐括安禮傳本名幹魯古大

定初遷益都尹二十一年拜右丞相進封申國公是歲薨碑所謂大丞相者蓋卽安禮而傳不云諡文正又不載其子尙公主則史之漏也輟耕錄丘處機号長春子登州棲霞縣濱都里人金皇統戊辰正月十九日生大定丙戌年十九辭親居崑崙山依道者修真丁亥謁重陽王眞君子寧海請爲弟子戊申召見闕下隨還終南山碑立于大定戊申時長春年四十一正當召見闕下之時故公主亦重其書耳碑在濰縣玉清宮錢塘朱朗齋摹其文寄示因爲攷正如右

完顏膏孔廟祭文

承安四年三月

右完顏膏孔廟祭文孔元措跋云相國完顏公自尙書右丞出鎮沈郡攷金史宣宗紀承安二年八月丙戌左宣徽使膏爲尙書右丞三年十二月丙戌尙書右丞膏罷比史不書姓者皆完

顏氏則膏與膏卽一人矣金史始祖以下諸子傳膏本名阿里刺以皇家近親收充東宮護衛承安二年拜尙書右丞出爲泰定軍節度使膏與膏字形相似傳稱皇家近親其世系則不可攷矣膏與膏皆不見於字書蓋轉寫之譌當從石刻爲正說文膏用也从高从自讀若庸此作膏者隸體小變耳唐末兖州節度賜号泰寧軍五代宋皆因之此云泰定者大定十九年改名也史家紀日之例自一日二日以至十日未有加初字者此文云三月癸巳朔初二日甲午蓋流俗之稱然顧寧人記泰山白龍池宋人題名有元祐丁卯孟春初四日奉符令林會題崇寧壬午孟春初七日奉符令李珪題又在此刻之前矣宇文懋昭大金國志其紀日自初二以至初十皆有初字可證金源史家相沿皆如此也

利州精嚴寺蓋公和尚行狀銘

承安五年

右利州精嚴寺蓋公和尚行狀銘今在直隸塔子溝通判治東北七十里俗名大城子卽遼金元之利州也興中故城土人稱爲三座塔此城外亦有石塔大小三所因名小三座塔而利州之名遂隱予以此碑及至元廿四年長壽山玉京觀碑證之知爲利州故城蓋金石文字往往有功於地理而塞外荒僻文獻无徵可與言者唯石丈人恨土人不知珍惜耳碑爲北京路轉運支度判官趙秉文撰并書開詞翰金源人最所推重而埋没于風沙瓦礫之場尤可歎也蓋公本名圓蓋利州阜俗人從北京微公付法大定六年開堂于精嚴寺繼主松林靈感時人稱爲蓋堂頭

貞祐寶券文

右貞祐寶券文四周有闕上橫書貞祐寶券四字下一格直書五貫八十足陌六字左旁文云字号右旁文云字料次下一格直書凡九行前列省准印造諸路通行寶券云云次書偽造者斬賞寶券三百貫仍給犯人家產次列貞祐年月日次列尙書戶部勾當官印造庫使副判官寶券庫使副判官等押闕外上方又橫書五貫二字左闕外又有兩合同記斜出其右角侵入闕界文頗曼患予瑁瞿生中溶辨其文一云平涼府合同一云京兆府合同按金史倉貨志金海陵遷都置交鈔與錢並用宣宗貞祐二年五月權西安軍節度使烏林達與言關陝軍多供億不足所仰交鈔則取於京師徒成煩費乞降板就造便七月改交鈔名曰貞祐寶券又百官志貞祐二年設交鈔庫於上京西京北京東平大名益都咸平眞定河間平陽太原京兆平涼

廣寧等府瑞蔚平清通順薊等州三年罷之此券有不限年月許於京兆平涼府庫倒換語知爲京兆平涼所刻板也

元

令旨重修艸堂寺碑 丁未年十月

右令旨重修艸堂寺碑碑分四段上兩段稱闕端太子令旨一題癸卯年五月一題乙未年十一月下一段稱皇太子令旨題丁未年四月最下一段稱鐵哥火魯赤都元帥鈞旨題丁未年十月今在鄆縣艸堂寺乙未者元太宗之七年癸卯者太宗之十五年此碑癸卯令旨轉刻於乙未令旨之上蓋摹勒上石時失其次耳丁未者定宗之二年碑云谷與皇帝史稱定宗名貴由與谷與聲相近太宗紀以中原諸州民戶分賜諸王其云古與者亦謂定宗谷古聲亦相近也元史耶律禿花傳拜太傅總

領也可那延統萬戶札刺兒劉黑馬史天澤伐金卒於西河州子朱哥嗣仍統劉黑馬等七萬戶碑兩稱猪哥胡秀才一稱朱哥那衍一稱也可那衍皆謂耶律朱哥也朱哥旣襲父職故亦有也可那衍之稱胡秀才當是朱哥賜号非別有一人也劉黑馬傳太宗始立三萬戶以黑馬爲首辛丑改授都總管萬戶統西京河東陝西諸軍萬戶夾谷忙古歹田雄等竝聽節制碑或稱劉黑馬或稱劉萬戶實一人也田雄傳癸巳授鎮撫陝西總管京兆等路事碑或稱田拔觀兒或稱田八都魯皆謂田雄也史不云賜名八都魯此可以補史之闕碑有鐵哥丞相又有怙哥都元帥兩人同時同名然皆非元史列傳之鐵哥元人同名者甚多當依年代斷之不可牽混爲一也上二道鈐以東宮皇太子寶最下一道鈐副元帥印鐵哥署銜都元帥而印文稱副

元帥蓋由副元帥進擢尙未換印耳第一第四段印文旁有畏
吾字似是批押之類碑云窩魯朶卽斡耳朶荅刺花赤卽達魯
花赤以至猪哥之卽朱哥鐵哥之卽怙哥拔覩兒之卽八都魯
卽一碑中亦前後互異蓋譯音初無定字當時文移徃復亦不
能畫一也鐵哥丞相不見於史且在闕端太子位下則是遙授
非真相矣

雲峯真人康泰真碑 丙辰年

右雲峯真人康泰真碑在塔子溝東北六十里長壽山泰真利
州花務村人元初特賜含真體道至德真人自号雲峯子葬此
山中換碑者白霄進士李姓其名不可辨碑末題丙辰年癸巳
月丁酉日建蓋元憲宗之六年也碑末有宣差利州達魯花赤
口正允名大寧本奚王地奚霄同族故郡人多稱白霄

濟南孟公神道碑 至元二年三月

右濟南孟公神道碑在齊東縣東南二十里碑首題宣授濟南
路行軍萬戶孟公而篆額但云濟南孟公無簡不同唐人石刻
多如此孟德元史有傳而不書其卒之年碑云以中統四年三
月二十八日薨于軍春秋六十八可補史家之闕傳載丁巳從
伯顏攻襄樊丁巳者憲宗七年也其時伯顏尙未仕于朝攻襄
樊乃世祖至元間事大將爲阿朮非伯顏予於攷異深斥其誤
今據此碑則攻襄樊之時德死已久矣傳載宋安撫呂文德以
兵擾邊德敗之俘其太尉劉海碑云公至海州城堞未完賊軍
大至公于城中募得愚敢必死之士申以再三號令之嚴一鼓
而進大潰斬彼渠魁之首懸諸壘柵之間似與傳相應宋史無
文德傳其事無可攷矣碑立于至元二年姑洗月誤文者前進

士長白張翔男元方書丹并篆額者長白逸人孫瑜元方未有名位而系其父名它碑所罕見也傳云甲辰定宗母六皇后稱制大王按只台以德爲萬戶攻濠蘄黃等州積有戰功憲宗卽位之三年命德守睢州五年移守海州据碑則守睢州在前宣授萬戶在後又海州立功之後嘗移鎮邳州而傳失書皆當以碑爲正元史列傳多差謬安得徧求石刻而攷正之

御香投龍簡感應碑 至元七年三月

右御香投龍簡感應碑在濟源縣濟瀆廟碑稱宣授統轄諸路真大道教大宗師通元真人孫又稱孫通元而不書其名以元史釋老傳證之蓋酈希誠之徒孫德福也碑末列名有云懷孟路同知總管府事中都雙樓子大哥阿合馬者此別是一人非姦臣傳之阿合馬而所謂雙樓子大哥竟不知何語

大輪禪師碑 至元二十四年九月

右大輪禪師碑在承德府東南四十里其額云興州宜興縣五指山大靈峯禪師大輪禪師碑銘大都大奉福禪寺傳法住持嗣祖沙門居實撰文稱大輪爲鳩巢法師弟子至元七年以中書右丞相疏請住持大靈峯寺開堂于都之永泰十二年示疾而化收舍利本山祖塋塔葬之此碑予分修熱河志時所得書法不甚工然因是知古北口外地於金元屬宜興縣紀方輿者得之如獲指南鍼矣

平江府報恩萬歲賢首教寺碑 至元二十九年八月

右平江府報恩萬歲賢首教寺碑今在蘇州本寺土人稱北寺者是也碑爲高唐閻子靜撰書東平徐子方篆額二公皆嘗廉訪浙西各負重名此刻亦完好無恙而府志畧不及之何歟

平江路儒學祭器碑 元貞元年十月

右平江路儒學祭器碑在蘇州府學儀門壁間盱江李淦撰嚴陵方文豹書兩人皆儒學教授李以至元廿九年十二月到任明年以祭器非度攷朱文公釋奠釋菜禮文勰爲之其年十一月方亦到同任斯事元貞元年十月始成首尾凡三年今文廟庫所存至元癸巳象尊及銅豆俱刻李姓名元貞元年銅爵銅簋銅豆俱刻兩人姓名與碑合淦以揚州路學正上書請斬葉李驛召詣京師授江陰路教授以旌直言見元史葉李傳當在至元廿九年據此碑淦爲平江路教授非江陰也淦字性學

長興東嶽行宮碑陰

右長興東嶽行宮碑陰上層額云重修建東嶽行宮施主題名下層額云東嶽行宮常住田土皆篆書橫列字迹頗不惡而以

中爲土則昧于六書之旨矣予向讀南邨輟耕錄載連枝秀珠簾秀順時秀天生秀等疑爲妓女之稱今讀此刻施捨戶有程二秀因千十二秀張千十一秀周季一秀趙口二秀始知元時女子皆以秀爲稱若宋人稱第幾娘也因氏見于左氏傳自後此姓絕少此刻因姓氏數人

崑山州重建海寧禪寺記 延祐二年四月

右崑山州重建海寧禪寺記趙子昂文并書寺在今太倉州城內於元爲崑山州地元史仁宗紀皇慶二年十月徙崑山州治于太倉此碑云延祐改元徙州治史書下詔之日碑載移治之始似異而實同也此碑不知何年重刻頗多譌字碑末題年號爲元祐尤其甚謬者子昂結銜當云集賢直學士碑作集賢閣學士亦誤元時無此閣名

贈清河郡伯張成墓碑

延祐二年三月

右贈清河郡伯張成墓碑趙松雪書東昌社山石匠作頭周世英等刊刊手不精故少生動之趣碑云世爲濟寧之虞城人按虞城縣唐屬宋州宋改州爲應天府金又改歸德府而縣之屬如故元初併省入單父縣其後復立遂隸濟州自明以來仍屬歸德不知其嘗隸濟寧矣元之濟寧治鉅野與虞城本不相遠

廣州路銅漏壺題字

延祐三年十二月

右廣州路銅漏壺題字予視學廣東所揭戊午歲八月檢故筭得之距初拓時已隔二紀目眊不能見細字瞿堦鏡濤爲審其文蓋列名者二十人曰作頭洗運行曰作頭杜子盛曰南海縣該吏陳程曰廣東道宣慰使司都元帥府曰陽提領口口曰承務郎廣州路南海縣尹口勸農事周勝口曰廣州路總管府提

控案廣兼照磨口口架閣常口口廣州路總管府知事宋居敬
曰承直郎廣州路總管府推官王口口承德郎廣州路總管府
推官王思聰曰廣州路總管府判官扎忽曰廣東道宣慰使司
都元帥府令史常文廣曰口口郎廣東道宣慰使司都元帥府
都事王巨威曰承口郎廣東道宣慰使司都元帥府都事楊復曰
承直郎廣東道宣慰使司都元帥府經歷穆齊英曰承直郎廣
東道宣慰使司都元帥府經歷捏古伯曰中順大夫廣東道宣
慰副使僉都元帥府事王從口口奉口大夫廣東道宣慰副使
僉都元帥府事拜降曰口口大夫廣東道宣慰使司副都元帥
阿刺不丁曰口口大夫廣東道宣慰使都元帥口忽里曰口口
大夫廣東道宣慰使都元帥烏馬丁其序以左爲上與宋金勅
牒符帖之式同明以來文牒始以在後者爲卑矣

家奴造聖相記

至治二年

右伯家奴造聖相記在杭州府城內吳山寶成寺翟孝廉均廉所貽文云朝廷差來官驃騎衛上將軍衛親軍都指揮使伯家奴發心喜捨淨財莊嚴麻曷葛刺聖相一堂祈福保祐宅門光顯祿位增高一切時中吉祥如意者按元置左右衛親軍都指揮使司本在京師伯家奴奉使在杭故有朝廷差來官之稱亦不知何公事也麻曷葛刺番僧所奉之神輟耕錄今上初入戒壇見馬哈刺佛前供羊心卽此佛也柳貫護國寺碑云摩訶葛刺神漢言大黑神也亦卽此譯音無定字

周天大醮投龍簡記

泰定元年正月

右周天大醮投龍簡記首云泰定改元甲子之春正月詔元教大宗師元德真人吳全節太一崇元體素演道真人嗣教七祖

蔡天祐五福太一真人呂志彝正一大道真人劉尙平元教嗣師真人夏文泳率法師道士幾千人修建金錄周天大醮于大都崇真萬壽宮爲位二千四百晝夜凡七受釐之日天顏甚愉重封香幣遣大一七祖真人蔡天祐承德郎郊祀署令馬懷吉捧刻玉寶符元璧龍紐馳詣濟瀆清源投奠按元史釋老傳吳全節至治二年制授特進上卿元教大宗師崇文宏道元德真人此碑立于泰定初在至治之後僅稱元教大宗師元德真人未有特進上卿及崇文宏道之號然則此號後來增加史誤併爲一事耳夏文泳全節之徒亦見釋老傳蔡天祐稱太一嗣教七祖當是李居壽之徒而史不載

重建文殊寺碑

泰定三年八月

右重建文殊寺碑其文鄙俚無足觀而叙述宗王世系可資史

家攷證其云真吉思皇帝卽位之年降生义合歹卽史所稱察
合台也其下曰拜口里大王曰阿口口大王曰口口大王曰喃
忽里大王曰喃失里太子皆嗣义合歹位者以宗室世系表攷
之察合台曾孫有南荅失里王名似相近而其父不名喃忽里
諸王表有幽王喃忽里則又睿宗子旭烈兀之後非察合台之
裔與史全不合且碑立於泰定申喃忽里已先卒亦無幽王之
稱而順帝紀至元二年以甘肅行省白城子地賜南忽里則順
帝時尙存必非一人矣此碑海寧周松靄同年所贈云在肅州

天妃廟迎送神曲

泰定四年

月

右天妃廟迎送神曲并序在蘇州府城內天后宮句章黃向撰
文濟陽董浚書丹天妃者興化軍莆田縣湄洲林氏女宋熙寧
以來久著靈異元時江浙置海道都漕運萬戶府海舶往返事

神尤謹元史祭祀志云天妃神號積至十字碑云護國庇民廣
濟明著天妃祇有八字較元志少福惠兩字以諸帝紀攷之至
元二十五年六月詔加封南海明著天妃爲廣祐明著天妃大
德三年二月加封護國庇民明著天妃天歷二年十月加封護
國庇民廣濟福惠明著天妃至正十四年十月加號輔國護聖
庇民廣濟福惠明著天妃蓋自至元以後封號由二字積至十
二字志所載封號十字特天歷所封之號未可以槩一代而美
號遞加不過兩字則大德加封六字之後天歷加封十字之前
必有加封八字一節本紀漏落賴有此碑可以校補而加封在
何年月則不可攷矣碑有參知政事張毅張友諒二人史表不
見其姓名或江浙行省之參政邪碑又云舊章氏家廟攷宋時
建安人寄居於吳者有南北二章子厚爲南章質夫爲北章此

碑在城北必質夫家廟也

龍興路儒學銅鼎題字 至順四年

右龍興路儒學銅鼎題字王鶴谿搨以遺予并致書言元文宗崩於至順三年八月則至順不得有四年以是可疑予攷文宗殂於上都在至順三年八月其十月立兒子鄜王是爲寧宗甫踰月而殂未及改元其明年春迎順帝至都久未得立及燕帖木兒死乃以六月卽位十月戊辰詔改至順四年爲元統元年是元統改元以前猶稱至順四年今蘇州府學有干文傳撰修學記後題至順四年九月是其證也

江東建康道廉訪司題名記

右江東建康道廉訪司題名記王士熙撰文卜顏帖睦兒書不著立碑年月以題名證之當在元統間又有至元至正續題者則字畫不甚整齊矣元時置江南諸道行御史臺於建康領廉訪司十道江東建康其一也廉訪司正官有使有副使有僉事題名各爲二列乾隆甲寅六月宣城張惺齋拓一本遺予云碑現在寧國府署前蓋此司雖以建康繫銜而治所實在寧國路也

中順大夫竹溫台碑 後至元元年

右中順大夫竹溫台碑翰林待制奉議大夫兼國史院編修官揭傒斯撰文奎章閣大學士資善大夫知經筵事巉巉書丹奎章閣侍書學士中奉大夫同知經筵事尙師簡篆額竹溫台者蒙古人爲魯國大長公主勝臣冒姓甕吉刺氏事魯王爲管領隨路打捕鷹房諸色人匠等戶錢糧都總管府副達魯花赤遷達魯花赤卒葬歡喜嶺之麓有子曰撒而吉思鑑事文宗爲官

相總管府副總管入宿衛順帝尤愛之詔爲其父立碑碑在烏丹城南七里地名烏蘭板上文字尙可讀聞烏丹城中有廢塔塔前斷碑亦有魯國大長公主字則此地在元爲魯藩農土所謂烏丹城者豈卽本藩駐冬之全寧城乎

重新粧鑿聖像記 後至元六年十月

右重新粧鑿聖像記在蘇州雙塔寺予昔游所未見頃瞿堉鏡濤搨得之其文釋普琳撰記東禪僧澤庵爲壽寧寺大殿裝佛事其時住持壽寧者則佛心普智雄辨大師行誥也行書頗似趙承旨而不見書人姓名唯有大中大夫平江路總管府達魯花赤兼管內勸農事也兒吉你普篆額名攷府志元達魯花赤有也里吉里卜蓋卽其人譯音無定字也粧鑿蓋當時土俗之語額改題壽寧萬歲教寺裝佛之記斯爲得之不嫌兩題互異

也

濟陽縣曲堤鎮大成廟碑 至正三年七月

右濟陽縣曲堤鎮大成廟碑正奉大夫山東東西道肅政廉訪使王士熙撰翰林學士承旨榮祿大夫知制誥兼修國史知經筵事張起巖篆中順大夫西蜀四川道肅政廉訪使楊僖書元時廉訪使秩正三品正奉大夫從二品中順大夫正四品士熙僖同爲廉使而階各不同由於資歷有深淺也碑刻篆額人例在書者之後此碑起巖在僖前當以起巖先達不欲多上之耳僖分隸秀勁不減唐人而世鮮知者當表而出之凡屯戍之所稱鎮史家志地理多不載獨金志具書之濟陽縣有鎮四曲堤實居其一今刊本或作提蓋失之矣元時諸鎮往往有建學立先聖廟者以予所見石刻如河內之清化鎮掖縣之西由場并

此而三矣

中書平章政事高公勲德碑 至正七年

右中書平章政事河隴高公勲德碑于文傳換碑不書其名以史攷之蓋納麟也其叙歷官與史頗合此碑因卧佛寺僧廣宣之請而作故於行宣政使事言之特詳然失立言之體矣碑稱其大父智耀為忠簡公而史云謚文忠當以碑為正或初謚忠簡而後改文忠乎其曾大父為西夏駙馬亦史所未及

瑞州雲谿洞碑 至正七年五月

右瑞州雲谿洞碑題云大寧路瑞州海濱鄉周家莊雲谿觀碑海濱本遼舊縣置隰州治此仍隸來州節度金皇統三年廢隰州以縣隸來州其後改來州為宗州又改瑞州而所隸縣如故元廢海濱縣入州故碑有瑞州海濱鄉之稱今在塔子溝東南

三百七十里瑞雲山

長興州重修學官記 至正十一年二月

右長興州重修學官記賜進士出身承事郎前台州路天台縣尹兼勸農事會稽楊維禎撰賜同進士出身將仕郎前處州路錄事丞嘉高明書賜進士及第承務郎內臺監察御史大名張士堅篆額維禎字廉夫泰定丁卯二甲進士明字則誠至正乙酉三甲進士士堅與則誠同榜即是榜狀元也廉夫以詩文重東南學者稱鐵厓先生則誠長於詞曲琵琶傳奇至今膾炙人口士堅事迹無可攷據此碑知其曾任中臺御史篆書亦有法度記為州長火魯忽達修廟而作記中又稱魯侯者從邦俗之稱或舉首一字或舉中一字無一定之式也侯字得之世家北庭平章政事保八之適子嘗游成均兩膺鄉薦碑立於至正十

一年魯侯在長興已六年矣

濟南郡宣懿公張宓碑 至正十四年三月

右濟南郡宣懿公張宓碑翰林國史院編修官李國鳳撰文翰
林學士承旨張起巖篆額皆列名於前而書丹者爲宓之從子
景德則退居碑末此亦金石之一例也宓字淵仲山東行尙書
省兼兵馬都元師濟南公榮之孫淮安路總管邦憲之子幼以
質子侍武宗潛邸賜名蒙古歹仁宗卽位詔授以二品官辭選
滕州知州入爲度支監丞出知南陽府未行改兵馬司都指揮
使預討帖失赤斤鐵木兒逆黨遷彰德路總管擢山北廉訪副
使改保定路總管天歷初紫荆關潰軍入保定界剽掠居民相
率持挺斃其尤無良者時知樞密院也先尼史作也先駐軍城外
召府同知縣尉與居民百餘人至軍責以擅殺盡戮之復下令

屠城宓時以病在告卽昇疾至帳下也先尼怒詬之曰汝欲反
乎宓從容曰孰敢反耶夫軍士不戰而潰逞虐良民法所不赦
小民不辨誰何倉卒格之至死樞密已殺百餘人償其死又欲
屠城城中戶不下萬餘萬一激變咎將誰任我寧以身代民死
耳也先尼默然猶殺張珪五子解圍去命宓諭民以不殺故皆
額手相慶調真定移平江請罷平江財賦司之隸徽政院者詔
罷平江杭州集慶提舉司衆賴少蘇召爲吏部尙書拜嶺北行
省參知政事以病歸復起爲山東東西道宣慰使尋致仕歸濟
南至正四年卒贈江浙行省參知政事追封濟南郡公謚宣懿
攷明初修元史告成以闕順帝三十六年事遣國子典膳呂復
乘驛往北平及山東開局采訪頗及碑碣北平得四百通山東
二百通印識上進此碑近在濟南宓名位亦不卑且於保定有

全城之功宜附見於榮傳而史無隻字及之豈采訪有望漏歟抑會上史局而史官漫不省歟益都李南澗好按羅三齊掌故手搨是碑見寄喜其有裨史學爰撫其大畧以諗後之讀史者榮贈太師追封濟南王謚忠襄又有張霸都兒之稱邦憲贈河南行省參知政事追封濟南郡公謚貞毅皆史所應書而失書者也蘇州府志職官表有張忭古歹至正三年以正議大夫任總管後改河南省參政者蓋卽此人唯至正當是至順之誤忭古卽蒙古譯音無定字也

太尉丞相祀濟瀆神應記

至正丁酉十月

右太尉丞相祀濟瀆神應記湖廣等處行中書省分省照磨趙恒撰記丞相太不花駐兵洛汭遣譯史汪家奴祀濟瀆靈應之事首云至正丙申冬皇帝念南服未靖思用貴戚大臣申命太

尉丞相太不花秉齊斧以廓清之按元史本傳但云復拜湖廣行省左丞相不言移鎮河南而順帝紀云是歲河南行省左丞相太不花駐軍于南陽碑但稱丞相不署何省當闕以俟攷太不花食吉刺氏世爲外戚故有貴戚大臣之稱是時三公有太師汪家奴而行省之譯史乃與同名初不以爲嫌然後世讀史者每有似甲爲乙之病矣

上虞縣受水壺銘

至正乙巳五月

右上海縣受水壺銘至正乙巳五月江浙儒學副提舉楊葵撰并書後有同僉樞密院事張子元樞密院副張啟康方永知樞密院事方國珉諸人名乙巳者至正二十五年其時方國珍據浙東自置江浙行樞密院分治上虞新城因鑄刻漏爲晨昏之節而楊葵爲之銘篆書有法度其書姓从手有蓋取漢書楊

雄傳也上虞立行樞密院不見于元史殆明初史臣惡其僭越
畧而不言歟

開平縣界石

至正二十六年正月

右開平縣界石在直隸豐寧縣西北百三十里高四尺廣尺有
二寸正面刻北開平縣界五字側面刻東宜興州界五字其地
名上黃旗蓋元時開平縣之南界也元史地理志興州有興安
宜興二縣別無宜興州之名唯文宗紀載致和元年八月陞宜
興縣爲州以此碣證之正合乃知元志之疏漏多矣明代口外
不立州縣故于前朝沿革稽攷尤難乾隆初始設四旗通判駐
土城子今改爲縣屬承德府

大通法寺常住上下院地產碑

右大通法寺常住上下院地產碑今在興中故城三座塔旁文

多剝落不見立碑年月而額題大元國懿州路興中州數字獨
完好攷元史地理志遼陽路懿州元初嘗爲懿州路至元六年
爲東京支郡自後未見升路事而興中州向屬大寧路亦無改
隸懿州之文積疑久之後讀順帝紀載至正二年以大寧路所
轄興中義州屬懿州乃知志於順帝事多缺而不書而碑之立
必在至正間也

安南昭光寺鐘銘

右安南昭光寺鐘銘康熙十三年合浦海濱浮出銅鐘一鏤刻
工緻文字完好末題皇越昌符九年乙丑二月好事者移置廉
州府學乾隆甲午冬予奉命視學粵東得此拓本安南在宋元
時嘗僭號大越未審昌符爲何人紀年頃讀宋史見金百
欽定四庫全書總目載越史畧三卷其書稱今上昌符元年丁

